





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.81







Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.81



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.81




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.81



1. 6 81

4.5.81

VII
SFORTI





MVTIISFORTIÆ
TYBERIS. VEL
PII V. PONTIFICIS
MAX. LAVDES.

Pfalterij Daudici Laudes.

CARMINVM SACRORVM
LIBRI. II.

MVM, MVM,
AD ILLVSTRIS. ET REVERENDIS.
MICHAELEM BONELLVM. S. R. E.

Cardinalem Amplissimum.



V E N E T I I S,
Apud Nicolaum Moretum. MDLXX XVI.

1.6.81.

ILLVSTRISSIMO,
ET REVERENDIS.^{MO,}

F. MICHAELI
BONELLO

Alexandrino. S. R. E.

CARDINALI AMPLISSIMO.

MVTIVS SFORTIA. S. P. D.



VM clarissima, & omnium
vna voce antea PII V. tui
auunculi præclaras virtutes,
integerrimam vitam, innocen-
tissimos mores, christianam
pietatem, incredibilemque in
Repu. gerenda diligentiam,
vigilantiamque celebrari, & ma-
gna cum admiratione prædicari audirem; gestiebat ani-
mus aliquid illo dignum canere. Sed hærebat, & tan-
dem alijs à curis impeditus, ab hac cogitatione destitit.
Verùm ubi rumor increbuit, à certa pertulit fama, no-
stros ad Naupactum ductores Turcarum classes iandu-
dum victrices feliciter profligasse, à omnes ferè cepif-
se; Deus immortalis, quantus fuit in omniũ ore PIVS?

* 2 qui-

quibus laudibus illum efferebant? Hinc illum Sanctis-
simis Pontificibus, priscis Gregorijs, Leonibusq; om-
nes conferre: hinc illum poetas certatim canere: hinc
omnium iudicia magis precibus, lachrymisq; Pientis-
simi P. II. quàm nostrorum Imperatorum industriæ,
vel armis illam felicissimam Victoriã partam asserere.
Et meritò. Etenim noueramus antea, quod omnia sua
studia, omnemq; operam, curam, industriam, cogita-
tionem, mentem denique omnem in hoc sacro bello
contra Turcas ineundo ille fixerat, atq; locauerat. Quan-
to enim sudore, diligentiaq; ille enixus est, vt nostri Re-
ges cõtrà illos immanes & efferatos barbaros in sedus
coirent? quibus precibus Deum, Diuosq; fatigauit,
publicis supplicijs per omnes Christianas vrbes indi-
ctis, postquàm nostras classes deniq; coniunctas in in-
fideles hostes lætissimus emisit? Quid plura? liceat
mihi omnium pace dicere, & antè, & post Victoriã,
Omnia PIVS erat. Ea fuit optimi Pontificis alacri-
tas, & cura in hoc Sanctissimo bello. Quis igitur quã-
uis maximus Poeta illum suis excelsis carminibus ma-
teriam æquam non duceret? Ecquis vnquam vir laude
dignior? Ergo tam pulchris factis, tantiq; viri virtuti-
bus incensus, vt illum & ego canerem denique addu-
ctus sum. Itaque vix mensis transierat post partam Vi-
ctoriã, cum ego hoc illi poemã intra bimestre spatiũ
absolui. Sed dum per quem illud emitterem, cogita-
rem; vt in decantati Pontificis desideratas manus tu-
rum perueniret; En subitò affertur nuntius horribilis:

PIVM

III

PIVM scilicet nostrum ex eo bellorum tumultu inter
tàm claros triumphos, victoriasq; ad Diuorum cætum,
æternamq; quietem beatum transmigrasse: sed quanto
Europæ cum dolore certè non satis explicari potest.
Sperabamus enim tot captiuos Christianos ipsum re-
dempturum: totq; nostra regna ab hoste occupata, de
Turcarum manibus erepturum. Multis ille quidem
flebilis occidit: Sed, tua venia dixerim, Nulli flebilior
quàm mihi. Animo quippè voluebam, illum hosce la-
bores in manibus accepturum: suasq; laudes in meis
carminibus perlecturum: seq; inter tot Sanctorum Pon-
tificum seriem meritò locatum, visurum: nosq; nostri
quidem sudoris, imò vt verius dicam, amoris æqua
mercede remuneraturum. Cuius animi benignitatem,
gratitudinemq; si in me ipse expertus fuisset, Vos mi-
hi Musæ testes, quanta de illo canere parabam. Vt Mæo-
nios fontes recludere meditabar: illius memoranda fa-
cta ab eius aurei principatus initio exorsus; decantatu-
rus etiam quæ felicissimè gesturum ipsum concipieba-
mus in his sequentibus bellis, ni tantum virum nobis
vis Fati inuidisset. Sed te cadente, ò PIE, nostra spes
omnis cecidit: Omnia tecum vnà perierunt gaudia
nostra. Vnum in tanto mœrore tu mihi solatium, am-
plissime ALEXANDRINE, occurras. Qui &
si non auunculi principatus, attamen virtutum dignif-
simus hæres superfuisti. Tibi modò nostrum Tybe-
rim tui auunculi illustria facta canentem, vt nostram
in illum beneuolentiam per testem adeò luculentum
agno-

agnoscas, animo adhuc ægri en mittimus. Quo reli-
quis cū meis opusculis in arca puluere obfeto, ægroq;
& Domini simillimo iacente, expectanteq; vt cum cæ-
teris mei ingenij monumentis in lucem aliquando pro-
diret: persuasus quorundam consilio, qui te alterum
Meccenatem, magnum literarum fautorem, eximium
virtutum amatorem, remuneratoremq;, mihi oculati te-
stes prædicarunt, illum cornua puluerulentum, situq;
obductum excussi, absterfiq;. tum denique primū re-
nidentem, àc respirantem, vt ad te lætior perueniret,
non nihil expoliui. En exultans meis è manibus euo-
lavit: en ad te venit. obuijs vlnis, hilariq; fronte tu,
Pater amantissime, illum suscipe. & Michaelis auun-
culi laudes cantantem tu MICHAEL haud dege-
ner nepos amplectere, atque tuo dignare sinu. ne ille
ex tanta spe de te concepta, repente miserrimus exci-
dat. Atque vt liber in iustum volumen excresceret,
Psalterij Daudici laudes, nonnullaq; sacra carmina
quæ fermè pueri lusimus, addere placuit; atq; ad te vi-
rum sacrum mittere, cum sacros sacra deceant. Bene
Vale, & me tui auunculi, tuiq; obseruantissimum,
amantissimumq;, vt amplectaris, foueas, àc tuteris, te
etiam, atq; etiam rogo. Venetijs. Calendis Maijs.
Anno a Virginis Partu. 1586.

AD MICHAELEM BONELLVM
ALEXANDRINVM. S. R. E.
CARDINALEM AMPLISSIMVM.

O D E M O N C O L O S.



RAECINCTVS viriditempora *Laurea*,
Palmaq; implicitus cornua, sordibus
*Squallo*ris positus, pulcher vt antea,
Ethrusco minimè surgit ab alueo,
Nostræ sed potius prodit ab angulo
Arce, quam lacrymis antè repleuerat
Chari ob Pontificis funera *Maximi*,
Rex iste *Hesperium* corniger annuum.


Et cursu rapido per tot itinera
Romana adcelerat mœnia tangere.
Praesertimq; tuas dulcibus osculis
Plantas, atque manus lambere gestiens.
Hunc, heros *MICHAEL*, obuius excipe,
Ornatus Tyrio tempora murice.
Cunctas propter & hunc mitte molestias.
Huicq; aures vacuas porrige numini,
Donec grandifono carmine concinet
Laudes egregias, claraq; auunculi
Magni facta tui, maxima qui pius
Europa misera regnaq; , & oppida
Impleuit meritis: qui modò lucida
Inter Cœthcolas sydera possidet.

Si nostrum Tyberim tu, Pater optime,
Vt fās, accipies, fronteq; libera
Inter tot fluuios ardua carmina
Cantantem audieris: tendere *Barbiton*
Lesboum est animus; àc fide personans
Aurata, eximias dicere mox tuas
Laudes aggrediar, factaq; fortia.

AD MICHAELIS BONELLUM
ALEXANDRIUM & F.
M. M.



PIVS . V. P. ALEXANDRI NVS
PIVS . V. P. ALEXANDRI NVS
PIVS . V. P. ALEXANDRI NVS
PIVS . V. P. ALEXANDRI NVS
PIVS . V. P. ALEXANDRI NVS
PIVS . V. P. ALEXANDRI NVS
PIVS . V. P. ALEXANDRI NVS
PIVS . V. P. ALEXANDRI NVS
PIVS . V. P. ALEXANDRI NVS
PIVS . V. P. ALEXANDRI NVS



MVTIISFORTIÆ TYBERIS.

AD PIVM V. PONT. MAX.



E, PIE MAGNE, Cano, clari
dum rector Olympi
Fortibus aspirans ausis, tua cæpta se-
cundat.
Ne modò formidet tantos excurrere
campos,

Docta per exiguos Parnassi incedere lucos
Nostra hæc Musa, tuis factis ingentibus impar.
Carminè nec tenui magnos audacter honores
Detruisse tuos, ventura redarguat ætas.
Pangere nam tales & Smyrna, & Mantua laudes
Debuerant, altumque illas æquare canendo.

VT nouus Antistes, nutu qui temperet orbem,
Lectus ab insigni est procerum, sanctoque Senatu:
Latitia exultans merita, neque gaudia celans
Ingeminat plausum, vocesque ad sidera tollit
Roma, crepantque atro succensa in sulfure flammæ;
Consonat urbs, ripæque amnis clamore resultant,
Et septem geminis responsat collibus Echo.

A Obstupuit

MVTII SFORTIÆ

Obsupuit sonitum pater hunc Tyberinus ab antro
 Inscius accipiens, cursumque repressit aquarum.
 Dumque cupit tanti plausus agnoscere causam,
 Aduolat en trepidans, & anhelos pectore Nais,
 Electumque refert, solij fastigia sacri
 Conscendisse virum, Romæ qui præsedit, & orbi,
 Huncq; PIVM dici, mutato nomine, QVINTVM
 Fortè Deus musco. viridanti, & murice picta
 Spelunca in magna recubans, sub fornice conchis
 Distincto roseis, & versans largius urnam
 Riuis iura dabat. tenues cui maxima telas
 Ilia texebat, percurrens pectine coniux,
 Atq; venenabat conchyli sedula fuco.
 Quam circum, patri longam, ingentemq; parabant
 Caruleam trabeam, Serum quam vellere rubro
 Indoque ex auro variantes Palladis arte
 Prælia pingebant, Romanorumque triumphos,
 Auro deuinctæ flauentia tempora, & auro
 Suras inclusæ niueas, pictisque cothurnis,
 Candidaque Arabio Bombyci corpora amictæ
 Antri in vestibulo natæ. quibus Ostia forma
 Eximia præstans, claros hinc patris honores,
 Laudesque egregias, atque alta trophæa canebat,
 Vocales celeri percurrens pollice chordas.
 Hinc totidem numeris matrem tibi, magna Cybelle,
 Connubio æquabat Diuûm, serieque nepotum
 Astura. Sol gelidum cornu superabat aquosi
 Aegocerotis, & hybernæ glaciem, nubesque niuales
 Soluerat,

T Y B E R I S. VI - 2

Soluerat, in medium curru prouectus Olympum
 Ergo ubi certa parens, expectatique verendum
 Praesidis accepit nomen, sua gaudia voluens
 Quae Proteus quondam praedixerat, illius antro
 Succedens; tacitus, dudumq; immobilis haesit.
 Demulcensq; manu rorantem deniq; barbam
 Ad sese acciri vicinos imperat amnes.
 Postera luciferis Aurora inuecta quadrigis
 Humentemq; umbram caelo, stellasque fugarat,
 Clarior & solito lumen detexerat orbi.
 Cum subito Hetruscis venit de fontibus Arnus,
 Arnus, Cephiso minimè, aut Permessidos unda
 Cedens: Sic ipsum celebrant, ita carmine mulcent,
 Illius & vates Musae super aethera tollunt.
 Nec mora Nymphæum tenuit, rapidumq; Topinum.
 Venit & Eugubios sacundans Tinnia campos;
 Atque Arretina Glanis deuexus ab arce.
 Nec qui submersit, Diuumq; Numicius astris
 Intulit Aeneam, raptu praclarus ab illo
 Defuit. haud iuxta currens nemora alta Vacunæ,
 Atque lacus faciens nitidos, atque arua Sabina
 Sulfureo Nar amne secans. Quos obuius omnes
 Atque alios triginta, Anio tum sulfure viuo
 Lustratus, Myrtoque comas deuinctus opaca
 Excipit amplexu gelido, vultuque sereno
 Ducit ad Etrusci genitoris saxea tecta.
 At postquam rupis subierunt limina prima
 Olli, non celso vitro, nec arundine textis

A 2

Discubue-

MVTII SFORTIÆ

Discubuerè toris . Nam , dum pater aptat amictus
 Insignes humeris penetrati in sede , verendus
 Vt magis hoc habitu possit , maiorque videri ;
 Hique audis oculis collustrant omnia : mira
 Ad se se Pictura trahit , quæ plurima circum
 Airia fulgebat , inspectantesque iuuabat .
 Quam non egressus flammanti Mulciber Aetna
 Fecerat ignipotens ; cæli sed lapsus ab arce
 Alatus iuuenis , stellata in veste coruscans .
 Nam fama est , portas ut Iani clausit ahenas
 Augustus , placidumque dedit requiescere mundum ;
 Dum Cancrì Sol dorso petit , terrasque , fretumque
 Arduus exurit , rerum dum contrahit umbras .
 Dumque pater Tyberis sylua spatiat opaca .
 Calicolum ex numero quendam , de vertice missum
 Aethereo , gnarumque operum , gnarumque futura
 Aetatis , propriis animasse coloribus , atque in
 Marmore perpetuas has incidisse figuras .
 Quas primo aspectu cernens pater inscius antè
 Obstupuit , longo sed tempore , & ordine cunctas
 Doctus ab euentu didicit , miransque notauit .
 Antè omnes ergo , quisquis fuit ille Deorum ,
 Extuderat Petrum gemmis cui clarus , & auro
 Tempora velabat triplex incana Tiaras .
 Ipse sacro innixus solio , dextramque coruscans
 Clauibus auratis Valuas pandebat Olympi .
 At Linus Eumenidum facies , atque agmina Ditis
 Terrebat procul increpuans , & Mortis hiatu
 Absorptos

Absorptos vasto, superas reuocabat ad auras.
Fecerat & Cletum nudantem fortiter ensi
Cervicem, ac stellas superantem sanguine tinctum.
Fundentiq; preces Clementi candidus Agnus
Sole apparebat fulgentior, ac pede terram
Percutiens dextro, fontem educebat aquarum.
Inde videbatur contractis fluctibus, arca
Marmorea inclusus, deerat non anchora iuxta.
Vestemq; indutus niueam, sacrisq; peractis
Innumeras turbas caelesti pane cibabat
Præcinctus Mitra castas Anacletus ad aras.
Suggestuq; micans celso, septemq; ministris
Vallatus stabat, populumq; Euaristus hiantem
Diuias leges, celiq; arcana docebat.
Indeq; Alexander pictis altaribus astans,
Auratumque tenens calicem, miscebat odoris
Astriferi guttis Acheloida pocula Bacchi;
Templaque lustrabat sacrati aspergine roris.
Nec procul hinc viridi, latoque Telephorus aruo
Floribus, & teneris quod ver distinxerat herbis,
Discumbens, holus, ac pisces, variumque legumen
Mandebat, macieque oris ieiunia fassus
Ouaque abhorrebat, carnesque, & cymbia lactis.
Atque Pium Regis Superum, Dominique cruorem
Veruice adorantem, addiderat, pœnasque minantem
Purpureas eius guttas si fortè Sacerdos
Siue super terras, seu supra funderet aram.
Inde Sacerdotes tonsos barbamque, comasque

Lan-

MVTII SFORTIÆ

Laudabat solio gaudens Anicetus ab alto .
 Post hunc & Sother cœnam præbebat opimam ,
 Quam niueas induta stolas , numerosaq; circum
 Turba recumbebat ; conuiuas Agnus ab astris .
 Lapsus , & in medio positus pascebat abunde :
 Ipse Hymenæaa pellebat veste carentes .
 At specula ex alta diuisos orbe Britannos
 Quos circum Oceani spumabat cœrulus humor ,
 Regemq; antè omnes posito diademate sacram
 Procubuisse simul diuini ad gurgitis undam
 Latus Eleutherius lachrymis spectabat obortis .
 Hos gemini Heroes , quos ipse emiserat illuc ,
 Flumine tingentes , signo Crucis ora notabant .
 Aethereq; igniuomis lustrabat desuper alis
 In gyrum volitans , radijs accensa columba .
 Authoris rerum roseum , sanctumq; cruorem
 Libabat patera , & vitro Zepherinus ad aras ;
 Turba Sacerdotum quem circum plurima stabat .
 Ingens , augustum , latum , longumq; sepulcrum
 Appia quæ teritur celebris Regina viarum ,
 Condens spectabat Callistus , & illius antro
 Inferri , aut Mitra , cinctos vel tempora Lauræ ,
 Magnanimosque viros , celi iam lumine cassos .
 Urbanus sacro prenos in fonte lauabat
 Romanos iuuenes , & te cum fratre , Tyburti .
 Nec non & Petri , & Pauli Cornelius ossa
 Portabat , Diuisque illis duo templa dicabat ;
 Efflabatq; animam plumbatis cæsus iniquis .

Ad

*Ad Stephani plantas ruerat Mauortis imago ;
 Cui , dum fortè sedens celebrat solennia , seuius
 Heu caput abscondit , spargitque cruore satellites.
 Pinxerat & Xistum thesauros indice sacros
 Prodentem tibi , Laurenti , pœnasque ferentem .
 Teque in speluncæ latitantem , Caie , tenebris,
 Dum fugis agnati crudelem Cæsaris iram .
 Hinc Marcellinus non leta fronte prophanas
 Aras horrebat Diuum , lachrymasque ciebat :
 In sese nimis iratum , contraque Tyrannum
 Aspiceres illum , præbens qui colla securi
 Purpureo nigram tergebat sanguine culpam .
 Inde feras inter Marcellus pallidus ore
 Tendebat duplices orans ad sidera palmas .
 Nec procul egressum luco Soractis opaco
 Sylvestrum , insignem claro diademate , Cæsar
 Tum Constantinus magno accipiebat honore ;
 Propter & hunc Diuis sacrabat maxima templa .
 Inde is Nicæam , Bithynum versus ad oras ,
 Arduus aspectat Tarpeijè vertice saxi .
 Namq; ibi tercentum Heroas longo ordine iunctos
 Cernere erat , pallis niveos , fuluosq; Tiaris ,
 Impie , damnantes toruis te vultibus , Arri .
 Nunc sacras ædes fundantem fecerat , & nunc
 Scribentem Damasum , Byzanti & manibus altis
 Mirantem centum , quinquagintaq; coactos
 Insignes Patres , vittis , mitraque decoros :
 Sub quibus Eunomius pauidus , sedusque iacebat :*

Hunno-

M V T I I S F O R T I Æ

Hunnorum at Regi toruo, cœlique flagello
 Argento radians quâ Mincius arua secabat,
 Occurrens Leo, mulcebat: cui vertice summo
 Fulmineum vibrans ense, vultuque minaci
 Aethere vir lapsus, sacroque indutus amictu
 Ausonijs illum mandabat cedere terris.
 Hinc & Ioannes, auro quâ porta micabat
 Byzanti, cæco contingens lumina. Phœbi
 Iam radios dabat, & cœli conuexa tueri.
 Parte alia supplex ibat, totamque trahebat
 Secum Gregorius Romam, lustrabat & urbem.
 Cui cœli alipotens summa apparebat ab arce,
 Aeneadumque atro rorantem sanguine condens
 Mucronem, Regem placatum ostenderat athra.
 Olli dictanti stellis exinde videres
 Delapsam, nitidam candore, atque igne columbam,
 Magna inspirantem passis in vertice pennis.
 Haud procul inde armis, Romanoque agmine cinctus
 In ferrum pulchra pro libertate ruebat
 Alter magnanimus Leo, qui conspectus in albo
 Cornipede, ex capta Barcos urbe fugabat:
 Ac Tyberina sequens cadebat ad Ostia Victor;
 Aspiceres Libyco spumantem sanguine Tybrim.
 Alter Gregorius Germano stemmate fulgens
 Agnatæ gentis tanto flagrabat amore.)
 Romani imperii sceptrum, triplicemque coronam
 Germanis septem solio tradebat ab alto.
 Quorum tres Mitra hinc stabant, tenisque verendi;
 Hinc

*Hinc tres accincti gladijs, galeaq; minaces ;
 Et Rex in medio crines diademate vinctus .
 Hinc urbem Venetum gemmisq; auroq; coruscantem
 Fecerat , incanis quam fluctibus inuis , & extra
 Lambebat , virides aspergens Adria ripas .
 Hic posito fastu , & sacra , Aenobarbe, corona
 Iam supplex , magno Venetum spectante Senatu,
 Pronus Alexandri figebas oscula plantis .
 Vestibus auratis venerandi , & sede suprema .
 Nec non scribentemq; Pium , tum multa mouentem,
 Sculpserrat , & versum latas Orientis ad oras ,
 Anxia flammato prodeuntem pectora vultu .
 Concilio astantem nunc Mantua lata fouebat ;
 Visentem exiguas classes , Asiaque minantem
 Frustra , nunc celsis monstrabat ab arcibus Ancon .
 Sic illum in Turcas hostes pius ardor agebat .*

*AT procul hinc longo , ter maximus , interuallo
 Postremus PIVS ardebat , cui vertice cani
 Fulgebant , sed leta viro , florensque senectus .
 Syderis oculis placidum , vultuque sereno
 Immortale aliquid meditantem semper , & omnes
 Aspernantem adeo fastus , effinxerat ille
 Stellatus volucer , captantemq; aethera mente ,
 Ut modò ab aetherea miseris mortalibus arce
 Demissum credas , Diui tantum instar in ipso est .
 Arduus hic solio Rhenum , septemq; Triones
 Spectabat miserans : cacosq; , Deoque rebelles
 Arctos damnans populos , librabat ab aure*

B Flam.

MVTII S FORTIÆ

*Flammiferum intorquens fulmen, iam, iamque Draconem
 Sternere, monstrum horrendum, ingens, dirumq; parabat.
 Haud illi Python confosus Apollinis arcu,
 Haud illi Hesperidum seruans fulgentia mala,
 Peruigil haud custos Phryxæi uelleris aurei,
 Nec quem Romanis contusum denique telis
 Expirare tuis uidisti, Bagraða, ripis,
 Se iam contulerint; terra per iugera tanta
 Heu iacet ex porrectus, & alta mole supinus.
 Vt volucres angues, geminis attollitur alis,
 Qui currus, Medea, tuos, Cererisque trahebant.
 His latè Arctoum uolitat, cursatque per orbem,
 Fatiferaque anima mentes mortalibus afflat.
 Lernaus ueluti serpens, nil uulnera curans
 Attollit caput turbam, atque è faucibus atris
 Fundit in exhaustum longè, & furiale uenenum,
 Tartareis antris gelidum progressus ad Albim.
 Hoc Rhodanum, atq; Ararim piscosq; amne Garumnæ,
 Et Rheni fontes, rigidumque inficerat Istrum.
 Squallet ager, syluæque arent, turbantur, & amnes,
 Ac toti pereunt homines, quæ sibilat ille,
 Inficit athereas tam pestifer halitus auras.
 Hinc oculos uertens Capitoli in culmine fixus
 Ambracias undas, & Echinadas aspicit altas:
 Illicque inter se geminas concurrere classes.
 Pinxerat ille etenim totam hanc ex ordine pugnam.
 TRANQVILLI argento maris effulgebat imago,
 Et circum caput auratum Tritones ab unda*

Extule-

Extulerant, buccisque suas per carula conchas
 Inflabant, cantu uelut illo bella cierent.
 In medio Europam, atque Asiam propè fluctibus iisdem.
 Classibus aratis contendere rursus Apollo
 Actius, attonito similis, similisque pauenti
 Spectabat, Pharon, & Remam tum corde uolutans;
 Sic ad Leucaten instructo Marte ruebant.

HINC IOANNES Italos, atque agmen Iberum
 Sæua in prælia agens, flauus, pulcherque iuuenta,
 Vnigena cum prole Iouis, MARIA, atque IACOBO.
 Cui stanti in puppi patrius uigor ardet in ore,
 Aureus effulget thorax, vomit aurea flammæ
 Cassida, sanguineæq; tremunt in vertice crista.
 Haud procul ad dextram Romanis emicat armis
 Tempora præcinctus rostris Antonius altis:
 Antiquæ cui gentis honos, insigne superbum
 Se capite attollit radijs flammata COLVMNA.
 Parte alia leuum cornu venerabilis æuo
 BARBARICVS agens, Venetum dux, obuius omni
 Telorum vadit nimbo, hostemq; acriter urgens
 Velle videbatur vitam pro laude pacisci.

Hinc ope Bistonia, atque Eois viribus Halys
 Victor Lotophagum ex oris, & littore Cypri
 Epirum, Turcasq; feros, captosque Pelasgos
 Secum classe vehit: iamque irruit impete vasto
 Regalem in puppim iuuenis ductoris Iberum.
 Cyaneos scopulos iterum concurrere dicas.
 Alta petunt, igne mq; vibrant hinc, inde Triremes.

B 2 At

M V T I I S F O R T I Æ

At sex ante alias turrita male superbas
Mulciber ipse rotat, credas innare tot Aetnas
Auulsas pelago, fumum, flammâq; vomentes;
Tanta per undisonos acies Vulcania campos
Tunc sine more furit; praefixo hastilia ferro,
Igniuomiq; globi, glandes, plumbumque liquescens,
Saxâq; virinque volant; Scythicoque excussus ab arcu
Missilibus telis iam spargitur horridus humber.
Iam Thetidis facies fuso rubet ampla cruore.
Ipse Mahometes, aurato & Cynthia cornu
Contrâ almos Petrum, & Marcum, contraq; Ioannem
Tela tenent; serit alta suos Bellona furores,
Eumenides faces calato ex aere coruscant.

E X Ithaca scopulo cernens hæc, aliger hastam
Librabat MICHAEL cælesti adamante tremendam.
Omnes eo terrore Scythes, omnesq; Geloni
Hesperio exanimis cedebant Marte subacti.
Tergâq; vertebat trepidans Maurusia pubes.
Nanque videbatur medijs elapsus Iberis
Rex Afer pauidus ventis dare vela vocatis,
Remisque incumbens certantes relinquere Turcas.
Puniceis exinde volans Victoria pennis,
Naualemque ferens rostris, Lauroque coronam
Inextam, à cælo, ut puppim super astitit altam
Hactibi velabat, Dux Austria, tempus utrumque.
Ibant atque alij præda, spolijsq; superbi
Ductores, omnes ciuili tempora Quercu
Euincti, & post se captiuas quisque trahebant

Bar-

Barbaricas puppes, leti Peana canentes.
 Feruere latina cunctas, plausuque videres
 Hesperias vrbes; festa delubra Deorum
 Fronde coronantur, cinguntur ab omnibus aræ;
 Grates persoluunt alacres, laudesque Tonanti:
 Ac dant ihura focis: facula iactantur in auras,
 Compita collucunt flammis; lychnisque fenestrae.
 At Romam ingressus, gratanti Antonius vrbe
 Victor ouans longo victos agit agmine Turcas.
 Militeque & populo letis pulsantibus astra
 Vocibus, & leto patrum comitante Senatu,
 Albo inuectus equo, rutilis fulgebat in armis,
 Praeclaris equitum turmis circumdatus, illum
 Aulæ in medio Pius accipiebat, & omnes
 Sacrati procures, ostro capita alta decori.
 Hac dum caelesti pictura lumina pascunt
 Cerulei Dij, venturis gaudentque triumphis;
 Ecce pater Tyberis secreto his prodit ab antro
 Aurata implicitus victrici cornua Lauro,
 Flautesque comas gemmis, palmaque decorus,
 Ac picturatum Tyrio subtegmine pallam
 Indutus viridem; à Nymphis Laurentibus olli
 Distinctam. Ipse pater solio, sceproque tremendus
 Illic intextus capiebat magna tributa
 Annibus à vastis. Ganges huic pallidus aurum,
 Gemmasque attulerat, Auroræ diues ab orbe.
 At septemgeminis inclinas cornibus altum
 Fecundus Nilus caput, intortosque capillos,

Pyra-

MVTII SFORTIÆ

Pyramidas lugens vastas, Cereremque canistris
 Obtulerat plenis. argento hinc lucidus Ister
 Horrentem glacie barbam, rigidisq; pruinis
 Excuiens, & mox submittens quinque niuosos
 Cyrrhos, Electrumq; nitens, pharetrasq; ferebat.
 Nec minus auriferos redimitus harundine crines
 Carulus Euphrates, Orientis maxima dona
 Procumbens, tunc Assyrios, pictosq; tapetas,
 Vestesque argento, atque auro dabat inter textas;
 Romanasque Aquilas reddebat, captaque signa.
 Hoc habitu insignem glauci Dii protinus illum
 Longè aduentantem proni, lætisque salutant.
 Qui iussi rigidis Crystallo in sedibus omnes
 Consedere: sed Hesperidum regnator aquarum
 Hos circumspiciens, Scythico, grandique Smaragdo
 Innixus, solio placidus sic insit ab alto.

QVOD dudum nobis, fluviorum numina, Diui
 Promissum à Fatis fuerat, quod carulus olim
 Carpathii cecinit nobis Deus accola ponti,
 Quodque diu votis omnes optauimus, alma
 En aduexerunt fausto cum Sydere luces.
 Iam Pietas redit, è cælo iam Astræa refulget:
 Pulchraque Romanas repetit Victoria terras.
 Quare vos veteres spectare assueta triumphos
 Spectatura novos, Ducibus quæ tempora cingant
 Pangite per ripas, mea flumina, pangite Lauros:

FLOS etenim, splendorq; virum, qui proferat armis
 Romanum Imperium, Scythicasque releget ad oras

Eu-

Eumenidas, bellique faces; quique inferat orbi
 Hesperio castos mores, placidamque quietem;
 Quique homines pulchris factis inuiter ad astra,
 Ferrea qui tandem priscum conuertat in aurum
 Sacula, ab aethereo nobis demissus Olympo est.
 Pangite per ripas, mea flumina, pangite Lauros.

Solis ut exortu, croceis Aurora quadrigis
 Inuehitur, rebusque suos dat aperta colores
 Lux noua, tum Larua, & Diræ cum nocte fugantur.
 Sic huius pulcro aduentu, imperioque sub alto
 Religio nostris animis regnabit, & aris,
 Iustaque cuique suum reddet Titania virgo
 Omnia discernens, sacris Dis cedit, & aris;
 Crimina diffugient, magnaue ex parte nefanda
 Occidet, illius formidans Hæresis ensẽ
 Pangite per ripas, mea flumina, pangite Lauros:

Nanque ope, & auspiciis huius Rex Gallus ouantes
 Ipse suos Gallos fundet, cæloque rebelles
 Multa gemens sterneret, sed pulchra cade cruentus.
 Huius & à dextra, uelut ipsius acta Tonantis
 Cuncta ruent ferro, & flammis, tria fulmina belli
 SFORTIADAE fratres; heu quas, Romana propago,
 Vrbes, diripitis? quantos iactatis, & ignes?
 Quò metuende Comes? quò nam vos PAVLE, MARIQ;
 Tenditis? agnosco iam Cæsaris ipse nepotes.
 Pangite per ripas, mea flumina, pangite Lauros.

Hispanis oris ut Geryon ille tricorpor
 Omni tunc erat horror inexpugnabilis hosti;

Sic

M V T I I S F O R T I Æ

Sic vos tergemini, concordia pectora, fratres.
 Nulla unquam horrificis vis debellauerit armis.
 Verum etiam innocuos mores, animamque beatam
 Atque P I I vitam admirans, resipiscere tandem
 Incipiet, posito, Germania saeva, furore,
 Accepere Dei cultum ceu Saxones olim
 Ob decus, atque tuas virtutes, inclyte Sergi.
 Pangite per ripas, mea flumina, pangite Lauros.
 V. T. tumido, & vasto iactatis aquore nautis
 Si geminus Pollux per nubila splendeat atra,
 Spes redit, insanum pelagus nam sternitur, Eurisque
 Actutum cadit, & caelo fida astra relucet.
 Sic nobis fremitu quondam, bellicue procella
 Vexatis, postquam subuò hic affulsit ab alto,
 Tuta quies rediit. Martis nanque horror Eoi
 Disiectus cadet, & verrens nunc omnia turbo.
 Pangite per ripas, mea flumina, pangite Lauros.
 Ceu dum triste sonans ab odoriferis Nabathæis
 Euris, & Arctoo Boreas sublimis ab axe
 Ionio inter se puppim submergere certant;
 Hæc superat, clauo cautus si fortè magister
 Hæret, & aspectat calum, geminosque Triones.
 Haud aliter dum Turca furens ab littore rubro,
 Germanusque ferox gelido nos terret ab orbe:
 Cum regat hic Petri nauim, cernatque Tonantem,
 Amborum illa minas ridens, ad sydera tendit.
 Pangite per ripas, mea flumina, pangite Lauros.
 Quid memorem quam sit promissus hic ordine certo.

Fato-

Fatorum nobis? diuino numine tactæ
 Nam morientum animæ sacra, cecinere, Tiara
 Tempora deuinctum, terris hunc iura daturum.
 Aut poterit Diuos quantum exorare precando?
 Nam pestemvè, famemvè canens, cùm turbidus aluco
 Egrediar, Romam deformaturus, & agros;
 Diluuiem ipse meam franabit imagine summi
 Agni, cœlicolumque minas auertet, & iras.
 Pangite per ripas, mea flumina, pangite Lauros.

Nec Rex Dictæus, quondam, quo iustior alter
 Non fuit, affatu sic est genitoris in antro
 Consultus: sacroque specu neque coniugis alma
 Aegeria monitu Numa sic edoctus abibat.
 Colloquio ut superùm sapè hic dignabitur alto
 Siue vigil, seu per noctem, placidumq; soporem.
 E quibus admonitus trepido quàm consulet orbi?
 Qua geret admiranda toga, quæ fortis in armis?
 Pangite per ripas, mea flumina, pangite Lauros.

Nam quamuis velut incanus Rex paupere terra
 Qui magnam veniens Romam, Curibusq; relictis
 Pacifer imperium rexit; sic ritibus ille
 Sacrificis, cultuq; Deum, paciq; vacabit
 Multa religione Pius; cùm classibus omnem
 Vastari tamen Europam spectabit Eois,
 In ferrum ruet, àc vincet, Magniq; triumphos
 Pompeij æquabit, postquam maria omnia seuis
 Purgauit Cilicum, Piratarumq; carinis.
 Pangite per ripas, mea flumina, pangite Lauros.

C

Qua-

MVTII SFORTIÆ

Qualis enim auritas Quercus, volucresq; , ferasq;

Attraxit cantu, fidibusq; Oeagrius Heros.

Vtq; sono Amphion testudinis ardua vellens

Saxa Citharonis Thebanas duxit ad arces.

Sic animos Regum resides, & pectora dura

Hic precibus franget, laudisq; accendet amore.

Atq; Iouis mandata velut Tegeaticus ales

Illis exponens, sancta inflammabit ad arma.

Pangite per ripas, mea flumina pangite Lauros,

Tunc Itali, Hispaniq; simul, ceu lumina Phæbo

Deniq; pandentes, clademq; instansq; periculum

Ex hoc admoniti cernent, atq; agmina iungent,

Odrysumq; petent instructis puppibus hostem.

Qui tum classe potens, domitoq; Oriente superbus

Haud detrectabit certamen. Quò rius, amens

Barbare? iam cadis, & nostro iam caderis ense.

Te PIVS antè omnes prostravit, at eminus orans.

Pangite per ripas, mea flumina, pangite Lauros:

Nam veluti, donec sublimia brachia pandit

Legifer Hebraus prærupti in vertice montis,

Proq; suis orat: superabat strennuus heros

Nauades hostes, Amalechitamq; ferocem.

Haud aliter, PIE, dum lachrymis, precibusq; Tonantem

Ipse fatigabis, Votisq; onerabis Olympum;

Nostri ad Naupactum ductores sæva cientes

Prælia, iam classes, Turcarunque agmina vincent.

Pangite per ripas, mea flumina, pangite Lauros.

Quis cladem illius pugna? quis funera Thracum

Expli-

Explicet? aut captas numerauerit ordine puppes?
 Ambo, Corinthiacus sinus, Ambraciusque cruore
 Ismario, & multa Maurorum cæde rubescant.
 Horrebisque tuos, Acheloe, in cærule fluctus
 Voluere, ne macules tam fædo sanguine lymphas.
 Alta cadaueribus tua, spectans, ostia claudi.
 Pascentur pisces, & hiantia vulnera lambent.
 Pangite per ripas, mea flumina, pangite Lauros.
 Quis ve Ducum prædas, signa, aut stolia ampla relata,
 Magna quis Hesperia victricis gaudia narret?
 Quin etiam, Pater alme, noua tunc ebrius ipse
 Latitia, antiquos merita virtutis honores
 Concedes Ducibus Romano sanguine cretis;
 Hosque intrare suæ, veteri de more iubebis
 Alta triumphantes genitricis mœnia Romæ.
 Pangite per ripas, mea flumina, pangite Lauros.
 Sacrorum post tot reuoluta volumina primum
 Spicula tunc, scythico que arcus, pandasq; Cateias
 Aspiciemus iò, pharetrasq; , altosque Tiaras;
 Atque catenatos tractos longo ordine Turcas.
 Feruere tum Romam, priscosque resumere fastus.
 Floribus in bruma pueri, innuptaque puella
 Conspurgent te, Ductor; iòque triumphæ, canentes
 Patres. Victor, iò, tua tingent tempora Lauri.
 Quas lachrymas dabis hos cernens, PIE magne, triumphos?
 Pangite per ripas, mea flumina, pangite Lauros.
 En tibi Gramineas, Quernasque Europa coronas
 Adferet, atque patrem te, tutoremque vocabit

MVTII SFORTIÆ

Grata suum : grates sulcator nauita ponti
Tutus aget, quod iam pacata per æquora merces
Transuectare queat. Parnassi è colle sorores
Pro libertatis spe, sacro stipite Laurum
Portabunt, laudesq; tuas cantabit Apollo,
Ac te pro charis accendet ad arma Pelasgis.
Pangite per ripas, mea flumina, pangite Lauros.

An memorem quali vitæ splendore micabit?
Gregorios priscos iterum, priscosque Leones
Per nostras videor spatiantes cernere ripas:
Tanta in eo virtus, maestas tanta relucet.
Conspicuisque suis sic ille è moribus omnem
Expulsis uitijs, & luxu uiuere coget
Romam incorruptam; tali quæ principe talem
Censuram aspiciens, Tarpeiam rursus ad arcem
Fabricium redysse feret, geminosque Catones.
Pangite per ripas, mea flumina, pangite Lauros.

Plectentur fontes, insons tolletur ad astra:
Atque Sacerdotes casti vitæque, togaq;
Fulgebunt; fugiet tam sancta Thais ab urbe:
Nec tantæ fuit ulla suo pia nata parenti
Cura, semper eris quantæ illi, Martia ROMA.
Nanque huc leta uehet sua pleno Copia cornu
Munera, distendetque suis nostra horrea latè
Frugibus alma Ceres; mulcens populumque, patresque
Lætitie genitor, sua flumina fundet Iacchus.
Pangite per ripas, mea flumina, pangite Lauros.

Vtque Asia terris ad caspia regna repellat

Vnde

Vnde huc egressi, ferroq; , & montibus arctet
 Bisaltasq; , Getasq; , feros, Turcamq; potentem;
 Magnos Legatos, Oratoresq; per omnem
 Europam mittet, qui persuadendo, precandoq;
 Efficiet, magni coeant in fœdera Reges:
 Coniurentq; illos Europa expellere dorso,
 Mox ab Idumæa, ditiq; Orientis ab ora
 Pangite per ripas, mea flumina, pangite Lauros.

Hactenus ipse mihi fatorum gnarus, & cui
 Venturi cecinit, tacuit sed cætera Proteus.
 Quid tibi vaticiner nunc ipse, ò Maxime Pastor,
 Num velut Alcides alter non pondere clauæ,
 Sed Petri gladio, precibusq; , fideq; tremendus,
 Nec rationis egens, tu denique funditus Hydræ
 Huius tot capitum turbam obtruncabis Eo?
 O si contingat tibi gratia talis ab alto.

Pangite per ripas, mea flumina, pangite Lauros.

Fallor, an ut soleo persuasus id omine certo
 Auguror? en hodie casta de virgine nato
 Cælicolum Regi Nabathæa ab sede profecti
 Iam stella monstrante viam, sua munera Reges
 Aethiopes aurum, Myrrhamq; , & thura dedere.
 Sic hodie illius subeunt, maxime, primum
 QVINTE, vices, Asia Reges, duce flamine sancto,
 Sive armis fracti, fidi, proniq; tributa
 Magna ferent tibi, quos sacro tu flumine tinges.
 Pangite per ripas, mea flumina, pangite Lauros.

Quare agite, ò Nymphae Laurentes, nostra voluptas.
 Vosque

M V T I I S F O R T I Æ


Vosque ò Naiades, quando formosior ardet,
 Proque hyeme incana Sol explicat auricomum Ver:
 Ite cita, viridique meas modò gramine ripas
 Instruite, & molles Zephyros, Floramque vocantes
 Floribus omnigenis letas variate, comantesque
 His ollici calathos, & hianitia porcite serâ.
 Et vos, ò Diui, maiores fontibus undas
 Voluite, & unde illi carpatur Laurca digna
 Pangite per ripas, mea flumina, pangite Lauros.
 At tu, summe Pater, qui res hominumque, Deùmque
 Et regis, & curas, insomni & lumine spectas:
 Hunc terris concede diu, serumque sub astra
 Attollas: quamuis iam pridem fulgere dignus
 Sydereos inter procures sit, & agmina cali.
 Cernis enim veluti nos Turca ab litore Thracum
 Terreat, ut Romæ stragesque, & vincla minetur.
 Sat Gothicos enses toties, Hunnosque furores
 Pertulimus, flammæque Afras, Numidumque rapinas,
 Diutiusque suis viduatam fleuimus urbem.
 Sat lacrymans rubros Romano sanguine fluctus,
 Et decora alta patrum, Romanaque corpora uolui.
 Si tandem tibi Caucasæas excindere gentes
 Et Turcas, sedet: en huius dextraque sacrisque
 Auspicijs frangas. Quando Victoria prima
 Te donante sub hoc cedit: primique triumphi
 Hoc duce barbarici lætam referentur ad urbem.
 Incipies (nou) perge, ò Regnator Olympi.
 Tunc meritis illum, spoliisque Orientis onustum
 Accipias

T Y B E R I S.

12

*Accipias Celo, viridi non fronde coronans,
Intexto at stellis sereto, aeternumque micanti.
Tunc Divos inter mortalia pectora uotis
Olli damnanti centum sua Roma sacrabit
Templa, per Hesperiam tunc mille altaria surgent;
Itala tum pubes ludis de more dicatis
Illius aeternis celebrabunt Orgia fastis.*

F I N I S.



MVTII SFORTIÆ
SYLVA

AD GVLIELMVM SIRLETVM
S. R. E.

Cardinalem Doctissimum.



V modò, seu nitidi sacram Jordanis
ad undam,
Siue per Aonios montes, Parnassiaque
antra,
Murmure quà placido delabitur Hip-
pocrene :

*Seu per Thyrreni potius vada Tybridis erras ,
Hùc ades , & fessum curarum turbine pectus
Calliopèa fouens , mihi spe , cantuq; serena :
Vt pariterque tuo , & superæ virtutis alumno
Carmina SIRLETO valeam contexere digna
Dotibus vt magnis , paucisque à numine Diuum
Concessis , ardens tua viuida pectora uirtus
Imbuit , àc uulgo te iam secreuit , humoque
Extulit , & sacram conuertit ad æthera mentem*

Pupu-

Pupurei decus, & splendor, SIRLETE, Senatus:

Cœlari haud dudum patriæ est te passa latebris

Ignotum populis caput; at sibi conscia tanti

Luminis, & longè sortis præsaga futura,

Non in sublimes Europæ quaslibet Urbes

Impulit, at grauidam imperiis, claramque triumphis

Urbem, Tarpeiasque arces accedere iussit.

Vt veluti à specula, æriique è vertice montis

Ex illis cuncto te latè ostenderet orbi,

Qua pietas tua nota foret, moresq; pudici,

Ardensque ingenium, & doctrina per omnia præstans;

Tum notis meriti, clarique darentur honores.

Ergo non atavum tot inania stemmata iactans,

Nec sub nixus opum vi, thesaurisque paternis,

Nec priscis fretus titulis, fastuque superbus;

Sed duce virtute, & vitæ candore coruscus

Atque bonis animi, præclarisque artibus auctus

Ingredieris Domina Mauortia mœnia Romæ.

Nec quod Sisyphio multi persæpè labore

Tentarunt miseri, tristesque tulere repulsam,

Obsequiis, magnovè auro, precibusvè potentum

Aut Mitra, aut Ostri supremos ambis honores.

Ast ubi vibraſti radios è pectore claros,

Et disciplina uariis patuere figuris,

Deprompsitque suas torrens facundia uires,

Leta PII dudum suspendens principis aures.

In fulua ueluti sapiens cum spectat arena

Aut Adamanta grauem, uiridem seu fortè Smaragdum

D

Ne-

MVTII SFORTIÆ

*Neglectum, letatus humo cito substulit, atque hunc
 Ut docet, ardenti circumdat protinus auro.
 Haud secus ingenuas lynceo lumine dotes
 Miratus senior, nudas, & honore carentes
 Non tulit, at sacro meritas has induit Ostro;
 Namque ad uelauit Tyrio tibi docta Galero
 Tempora, concilioque patrum discumbere summo
 Te dedit, ac magnas rerum permisit habenas.
 Et meritò; nam quis sacras te pandere chartas
 Aptior? aut CRHISTI templi recludere ualuas
 Cardo adamante micans, cælique arcana profari?
 Cuius nam grauitas, cuius prudentia maior?
 Utilius quis te medio in discrimine rerum
 Consulit? aut cuius præclaras curia uoces,
 Romanusque parens intentius auribus haurit?
 Quid memorem quantum ualeas, gratissima fando,
 Quamque tuum micet eloquium? tu grandine mixtos
 Effundis nimbos, celeri sic acria torno
 Verba fluunt; talis facundia fertur Vlissi.
 Nec satis est sermo Romanus, Hymætia stillant
 Mella tuis labris: priscae instaurantur Athenæ
 Ore tuo, & proprias audit iam Græcia uoces.
 Quinetiam tantus discendi est ardor, & hac ui
 Ingenii polles, stridentia, anbelaque uerba
 Conaris, linguamque diu meditatus Hebræam
 Assequeris: puros ut ab ipso fonte supernos
 Libares latices, sensusque haurire latentes
 Possis, & ætherei mysteria summa Tonantis.*

Maſte

*Maecte bonis animi, reminiscitur inclyta Roma
 Talia te fantem, tot diuerfasque sonantem
 Linguas accipiens, qualis doctissimus olim
 Præsbyter Illyritæ nitor, & Stridonis alumnus
 Quique domum Christi radians illuminat ut Sol,
 Ipsam suspensam, pendentemque; eius ab ore
 Vocibus erudiens iandudum mulserit iisdem.
 Quis referat quàm tu memori monumenta priorum
 Mente amplectaris? tibi quamque æterna legenti
 Adsit Mnemosyne, & longos comitetur in usus?
 Historias si quis diuinas, siue prophanas
 Te roget, ex templo tam pulchroque ordine narras,
 Cederet ut longè tibi Latro Portius ille.
 Hasque adeo urbanis salibus, niueoque lepore
 Condis, ut & cuncti docti, multique verendi,
 Muriceque insignes procures tua tecta frequentent:
 Flexanimasque tuas cupiant audire loquelas,
 Candida Nestorei cedit queis gratia mellis.
 Clarorum Heroum dum facta antiqua recenset,
 Et vetera, atque noua thesauro expromis opimo.
 Si disciplinas reliquas enitar, & artes
 Quæ te conspicuum reddunt, euoluere versu,
 Immensum mihi crescet opus, frustra que fatigem
 Pieridas; qui te dulcè audiuere loquentem
 Senferunt, & opes quas pleno è pectore fundis.
 Attoniti que tuas doctrinas usque celebrant.
 Tu velut intenso, & concordì Cymbalon ære
 Tinnitu, tenerisque; sonoris aëra mulcet,*

D 2

Qua-

MVTII SFORTIÆ

Quacunque impulsus fuerit, sic quicquid ab omni
 Parte, à discendi cupidis, cum fortè rogaris,
 Facundo ore refers, aperisq; obscura repente.
 Talis Auernali consulta, oracula, ab antro
 Pectora plena Deo, mentemq; afflata Sibylla
 Attonito edebat populo, Phœbumq; precanti.
 Qua propter Calabri non tantum ad sydera priscos
 Nunc ciues iactent sapientes: desinat alta
 Elea Parmenidem, argutumq; efferre probumq;
 Zenonem doctis charum, inuisumq; Tyrannis.
 Et tua maiori tumescat patria fastu,
 Teq; astris æquet, superes cum maximus illos
 Moribus, eloquioq; alto, sophiaq; superna;
 Fecerit hos quamuis claros veneranda vetustas.
 Admiranda quidem sunt, & dignissima cantu
 Quæ cecini, possunt ast hæc contingere multis
 Qui sint culparum, vitiorumque agmine cincti.
 Illa magis temet decorant, illa aurea pandunt
 Sydera, & æternum hinc parient tibi nomen, & illic
 Religio, & puro Pietas circumdata panno,
 Ad primos quæ te spectata euexit honores:
 Intemerata fides non ulli obnoxia nauo,
 Armis Arctoo sed quam tutaris ab hoste.
 Additur huc oris grauitas, habitusq; seuerus,
 Quem non commendat tantum sacra Purpura, quantum
 Innocui mores, probitasq;, & vita resurgens;
 Cuius ad exemplum famulos & viuere cogis,
 Qua magis admirantium oculos conuertis, & ora

In

In te, quàm pulchris dictis : qua ducis ad astra ,
Quaque doces homines præcepta excelsa Tonantis .
Quid loquar ut constans animi , qualiq; tenore
Tranquilla vita , semper duraueris idem .
Ante inuictus eras , casuq; interritus omni
Intulerat quicquid fortuna aduersa ferebas .
Post , ubi purpureus sacros de vertice honores
Fudit apex , & te Pænum circumdedit ostrum ,
Haud honor inflauit tumidum , non extulit ingens
Latitia ; haud luxus , nec opes , titulusvè superbus
Fregerunt animum : fortisq; per omnia mentis
Haud obcæcavit crassa caligine lumen
Ambitio , ut tete iam ignorans cernere veram
Non possis , reliquumq; iuuet contemnere vulgus .
Sapius exemplo quæ nos vexare videmus
Magnâ partem hominum prouectam ad culmen honorum .
Qualis eras facilis , cunctisq; affabilis omni
Congressu quondam , talem , mitemq; , modestumq;
Atque humilem modò te præstas , grauitate verendum .
Quinetiam quæ te stellis æquauit honore ,
Sublimemq; dedit fama clarescere Virtus ,
E gremio formosa tuo procul ardet , & omnes
Ad sese iuuenes vocat , hortaturq; fugatis
Ut vitijs , totis incumbant viribus almæ
Doctrinæ , pulchrasq; artes ediscere multo
Sudore aßuescant , tua per vestigia sanctam
Pallada ritè colant , ac detestentur Iacchum .
Inde suis per te sua præmia monstrat alumnis ,

Te

M V T I I S F O R T I Æ

*Te digito ostendens cunctis, Tyriumque galerum,
 Quem, caput aduelans, merito tibi tradidit ipsa.
 Atque iuuentuti studiosæ pandere tecta
 Te iubet, & lata venienti occurrere fronte.
 Ecquis enim iuuenum cui sit mens ire per altos
 Virtutis calles, unquam tua limina adiuit,
 Quem non hospitio, vel ope es dignatus? & auro
 Inueris? aut calcar subdens ad laudis amorem
 Non inflammari, lusus, atque ocia damnans?
 Imploratus opem cui non, venerande, tulisti?
 Illorum quem nam tuus haud fauor extulit ingens?
 Quem tua Pontifici non commendauit egenum
 Gratia, sed pulchro uirtutum examine fultum?
 Pierij tutela chori, spes unica doctis,
 Disciplinarum portus, gratumque leuamen.
 Sed quid ego aut niueos mores modò carmine nitar
 Et uitam exaltare tuam rubigine puram,
 Omnis cum Roma admiretur, & Itala tellus?
 Aut quid doctrinas diuersas, quæ tua complent
 Pectora, nunc tentem tereti percurrere uersu;
 Ingenij monumenta tui si candida pandent
 Has, iam iam claras uentura excusa sub auras,
 Lucubrata sibi magno, S I R L E T E, labore?
 Quæ te monstrabunt nobis, æuoque futuro,
 Atque æterna tuum ducent per sæcula nomen?*

F I N I S.



MVTII SFORTIÆ
PSALTERII
DAVIDICI LAVDES
PER NOVEM MVSAS
DECANTATÆ.

C L I O.



FONTIS Gorgonei limpida flumi-
na,
Parnassique iugum, & Lauriferum
nemus,
Explent unde sitim, certa; præmia
Vates attonitis frontibus implicant,
O Rex chare Ioui, liquimus en tui

Ergò, atque undisoni uenimus ad uada
Iordanis, colimusque alta cacumina,
Rupesque aërias, queis residens Sion
Sacris carminibus surgit ad æthera.
Certatim ut meritis laudibus aureum
Extollamus opus, quod tibi spiritus

Can-

MVTII SFORTIÆ

Cantanti æthereus, pectora commouens,
 Dictauit, referans abdita sæculis.
 Quis nam sic patrias carmine nobili
 Texens historias explicat ordine;
 Vt tu, principio qui canis, ut Deus
 Terram, cumque suis sideribus polum,
 Et verbo ex nihilo cuncta creauerit?
 Exin commemoras prodigia horrida,
 Et quanta omnipotens mira patrauerit,
 Charos dum Ifacidæ compede barbara,
 Memphitiique iugo subtrahit aspero.
 Illis attonitis æquoris ut rubri
 Interrupit aquas, arida per vada
 Ducens incolumes; ut Pharaonios
 Currusq; atque equites fluctibus obruit.
 Enectisque siti blandus ut è petra
 Percussa elicit dulcia flumina.
 Vtque iisdem querulis esurientibus
 Rorantem Ambrosiam ex æthere præstuit.
 Vt carnes iterum crebra petentibus
 Pennatas volucres Africus attulit.
 Exprobrans at eis raucaque murmura,
 Ingratosque animos, quàm benè singulas
 Plagas ipse refers, queis Deus impiam
 Aegyptum, & Pharios heu nimis efferos
 Percussit populos, Regiaque agmina?
 Iosephum tereti carmine uenditum
 Cum tu Rex celebras; & canis arduo

Mo-

PSAL. DAVID. LAVDES. 17

Mosē ore ducem, nec tua Barbitos
Fratrem Pontificem præterit inclitum;
Cum Zelum Phineï tollis ad æthra,
Atque Anna genitum conferis inter hos,
Donatam cytharam protinus auream
Submittit, reticens, àc tua carmina
Miratur bibulis auribus hauriens,
Phœbeamq; libens dat tibi Laurèam
Thebarum decus, & gloria Pindarus;
Qui ludos celebrans quattuor, ad Deos
Victores varijs laudibus euehit.

E V T E R P E.



T nunc soror secunda
Quæ suauitate cantus
Homines simul, Deosque
Oblecto; nomen unde
Mihi indidère vates;
Hunc Barbiton, senex quo
Iam Teius puellas,
Ac masculos amores
Cecinit madens Lyæo,
Plectro feriens eburno
Quæ suauitate, dicam,
Psalmi tui superni
Ros Nectaris spuentes
Corda impleant, rigentque;

E Mor-

MVTII SFORTIÆ

Mortalibus beatis,
Rex, & poeta magne?
Non lucibus serenis,
Vernisq; cum rubescens
Aurora lumen effert,
Virgulta sic per alta
Syluae coma virentis,
Canentium volucrum
Concentus ille dulcis
Pertransuntis aures
Demulcet, atque pectus.
Vt carminum tuorum
Melos & audientes,
Et dulciter canentes
Mira, profunda, & alma
In lata corda sparsa
Dulcedine implet, afflat;
Et calfacit beatis
Affectibus medullas.
Et nunc, Hebræi ut olim
Primi furente Regis
E pectore exigebas
Airam, feramq; Erynnim
Cantu puer, lyraque.
Sic nostra ab inquieta,
Aique aestuante mente
Mestas, malasq; curas
Cupidinesq; diras,

Quas

PSAL. DAVID. LAVDES. 18

*Quas Tartari dolosus
 Rex, noster hostis infert,
 Tu versibus sacratis
 Detergis, atque tollis;
 Vt discutit sonoras
 Nubes, & atrum Olympum
 Borea serenat auras.
 Quin deuocamus æthra,
 Et lucidis ab astris
 Nos spiritum superni
 Parentis, atque nati,
 Atque utriusque amorem.
 Non are pulso, & aspro
 Cantamine, efferoque:
 Vt saga cælo ab alto
 Iam Thesala euocabat
 Phæbi rubram sororem;
 Illos tuos sed almos
 Psalmos canendo, & odas:
 Ergo unica, & creatrix
 Illa aura tracta cantu,
 Et puritate cordis
 Delabitur repente,
 Nostrumque pectus intrat;
 Gemitusque, gaudiumque
 Dat, lachrymasque dulces.
 Nam sicut Auster, & Sol
 Nives diu rigentes*


E 2 Ra-

MVTII SFORTIÆ

Radio tepenti, & aura
 Soluunt, aquisque reddunt.
 Sic & beatus orbis
 Ille author, atque rector
 Qui visus est sub ignis
 Specie sacris alumnis
 Christi, ruens ab æthra
 Nos afflat, excitansq;
 Intrinsecus perurit;
 Et nostra dura corda
 Glacie rigentiora
 Confringit, atque mollic,
 In lachrymasque soluit.
 Quæ per genas volutæ
 Inebriantq; dulces
 Nos, criminumq; sordes
 Tergunt, lauant, fugantq;.
 Suspiriis, precique,
 Singulibusque mixtas
 Has victimas ut altas
 Regi Deo beati
 Tunc afferunt Polorum
 Ciues, cohorsq; Diuim.
 Placatus his at ille
 Ignoscit, atque cuncta
 Peccata tunc remittit

THA-

THALIA.

 *EC* diuini operis tacebo laudes,
 Omnem quod volitat vicens per orbem,
 Ascræo veniens Thalia ab agro,
 O Rex perpetua Rosa decore, &
 Lauro virginea comas virefcens.
 Vt altissima Cedrus in supremo
 Celsi vertice Libani superbis
 Ramis, atque cacumine eminenti
 Cunctas obruit arbores, premitq̃.
 Illud non aliter tuum poëma
 Clarum, nobile, & elegans, & altum
 Iam poëmata cuncta docta vincit.
 Et quantum superat creator ille,
 Ille spiritus almus orbis aut hor
 Flauam Pallada, Apollinenq̃; fratrem,
 Tantum, Rex pie, cateris poëtis
 Tu præstas .etenim repletus illo
 Tu mysteria magna detonasti,
 Ac Diuûm celebras, canisq̃; Rëgem,
 Non Heroa, virumq̃; , nec puellam
 Hys at Dijs tumidi hi suos amores
 Lasciuos, fera bella, furta; stupra,
 Ac mendacia multa texuere.
 Qua propter meritò tuum sacrumq̃ue, &
 Dictatum tibi Flamine à superno,

Diui-

M V T I I S F O R T I Æ

Diuinum hoc opus, aureumque carmen,
 Quo verax canis, explicasque mæstum
 Vt Rex cælicolũ reuifit orbem
 Terrarum, è tumuloque victor astra
 Ascendit, superaque munus auræ
 Mifit, credidit vnde mundus illi
 Per templa omnia, per choros & omnes,
 Et per oppida cuncta, perque èremos
 Matres, & pueri, viri, senesque
 Coniux, fponſaque, virginesque ſacræ
 Vno concinuere ſemper ore.
 Vnde luciferas agit quadrigas
 Sol, quaq; Heſperus aſtra clara ducit,
 Qua Nilus tepet, atque Cancer ardet:
 Quaque Arctos riget, àc gelaſcit Iſter,
 Cunctis Dauidici per ora Pſalmi;
 Alternos chorus omnis hoſce dixit:
 Quin tantus uigor, atque tanta virtus
 Eius Flaminis almi in hiſce ſpirat,
 Vt vis candida, flos, nitorque eorum
 Nunquam emarcuerit, ſed omne in æuum
 Durant, àc recreant odore mentes.
 Et quò ſæpius ore concinuntur,
 Hoc mulcent magis, & iuuant canentes.
 Nec vates alius, nec ipſe Homerus
 Sic virum celebrer fuit per ora.
 Et ſi Tartarea lue vagante
 A CHRISTO bona pars reſceſſit orbis,

Nec

PSAL. DAVID. LAVDES. 20

*Nec sic per loca cuncta nunc, ut olim
 Diuinum canitur tuum poema;
 Tamen tempus erit, nec ipsa fallor,
 Cum vnus Pastor ouile pascet vnum,
 Gensque omnis Dominum, Deumque verum.
 Agnoscens colet, & sacrabit aras.
 Tunc septem rigidi tuos Triones
 Psalmos, atque meridies, & Ortus
 Occasusque legent, canent, amabunt.
 Caelestis tua Musa tunc virebit
 Cunctorum pariter volans per ora,
 Donec sub fluuio uagantis ignis
 Terra, sydera, & aquor innoventur.*

MELPOMENE.



*CANTOR almi spiritus,
 Canorum & eiusdem organum
 Sic tinniens, ut terminos
 Orbis sono repleueris.
 O Rex triumphalem gerens
 Textam coronæ Lauream
 Poeta, Duxque maximus,
 Pro carmine, & victorijs
 Hoc dulce carmen accipe.
 Cantum celebrans quod tuum
 Melpomene ipsa pectore
 Casto tibi nunc concino.*

Vt

MVTII SFORTIÆ

*Vt vere primo in arboris
Ramo virentis dulciter
Canens Aëdon, aëra
Dulcedine implet, & nemus.*

*Vt mortis hora candidus
Leni Cygnus de gutture
Tàm suauè carmen eliquat
Sistant ut undas Naiades.*

*Tam parua sed quid comparo?
Velut beati calites
Pulcherrimos per ordines
Coram monarcha maximo
Stellantibus dum personant
Liris, Olympum, & sydera
Cantu replent suauissimo,
Animasq; mulcent inclytas.*

*Sic tu, Poeta nobilis,
Psalterium dum verberas
Melos facis dulcissimum,
Homines iuuans & numina.*

*Dum lachrymans sic personas,
Flectis Tonantem vindicem:
Dum concinens sic intonas
Atros fugas tu Dæmonas.*

*Vt Sol tenebras discutit,
Cælumque reddit lucidum,
Sic ipse tristi è pectore
Curas repellis anxias.*

Sic

PSAL. DAVID. LAUDES. 21

*Sic Pagaſcium melos
Tuis adhuc in Verſibus
Blandum reſultat tinniens,
Animos ut agros mulceat.
Quid Amphionem, aut Orphea
Traxiſſe ſyluas, & ſeras,
Ac ſaxa, dicunt, carmine,
Et garrula teſtudine?
Cantu tuo vel athera,
Tu commouens, ac Tartarum;
Terrasq; Olympo copulans
Mira afficis dulcedine.
Nam ſancta ad illa carmina
Egreſſa corde feruido,
Demiffi ab æthra calites
Circum canentes peruolant.
Contra ſed atra Erynnies,
Ut aſpides cantamine
Pulſæ recedunt protinus,
Tentatioq; concidit.
Mortalis at mens libera
Raptatur in cœleſtia;
Ibique dolci in extaſi
Fruitur Dei præſentia.*

F TER-

MVTII SFORTIÆ

TERPSICHORE.

NON sic Apollo flavicomum caput
 Lauro reuinctus vertice floridi
 Parnassi, odorata sub umbra,
 Castaliumque sedens ad amnem:
 Nosstras choreas, dum cythara aurea
 Suos amores personat igneos,
 Oblectat, intentasque mulcet,
 Detinet & Zephyros tacentes:
 Nec celsi Olympi in culmine fulgido
 Choros Deorum, dum Iouis intonat
 Victorias, ac fulminatos
 Terrigenas, ita mulcet idem:
 Ut tu beatos Cœlicolũ choros,
 Mortaliumq; ò Rex bone, canticis
 Mulsisti, & olim, nuncque mulces
 Carmine, perperuisque chartis.
 Nanque Heman, Asaphq; & simul Idithum
 Vates canentes, qui cytharas cauas,
 Psalterium quique increpantes,
 Cymbalaque, atque suo, iuoque
 Arcana celi carmine panderent,
 Tu Rector olim præficus inclyte:
 Cætusque mulcerent, chorosq;
 Cantibus, altisonisq; naulis.
 Per templa sed nunc omnia quæ Deum,

Chri-

PSAL. DAVID. LAVDES. 22

Christumque adorant, tempore quolibet
 Omnes per horas ; cum tacet nox ,
 Cumque dies oriens rubescit :
 Cum flagrat aqua luce meridies ,
 Horisque post, atque ante meridiem:
 Inclinat & cum Sol in undas :
 Cumque diem fugiendo claudit ;
 Tuique Psalmi, & cantica personant.
 Nam per choros, est cernere, candidis
 Stolis sacerdotes amictos ;
 Atque alios varijs capillos
 Tectos cucullis, dulcia carmina
 Tua intonantes, pectore feruido
 Alterna semper concrepantes ,
 Cymbala dum resonant, lyraeque ;
 Tum corda plebis vocibus his sacris
 Contacta, caeli ad numina transuolant ;
 Et lachrymas fundunt per ora,
 Quas pietasque, fidesque donant .
 Gaudent beati, gaudet & in throno
 Stellis recumbens undique fulgido
 Mundi creator, gratiasque
 Munifica iacit inde dextra.
 Tum sic Deorum stelluagos choros ,
 Mortaliumque, o, carmine perpeti
 Diuine Psaltes, ipse mulces,
 Infima concilians supernis .

F 2 ERA-

MVTII SFORTIÆ

ERATO.



ARBITON munus teneræ, atque amantis
Lesbiæ, pulsans Erato, puellæ,
Nunc tuos eius numeris amores
Ordiam, ò Rex.
Nullius chartis ita vatis almi,
Nullius scriptis sapientis ille
Ille Diuinus amor, ut tuis in
Versibus ardet.
Nanq; ceu Phœbi radius coruscans
Concauum fortè in speculum, reflexus
Igne scintillat, valideq; adurit
Obuia quæque.
Haud secus celi Deus ille sanctus
In tuum sacrum, niueumq; pectus
Spiritus labens micat, & perenni.
Lampade flagrat.
Flagrat & magno veniens Olympo
In tuis sacris, nitidisq; chartis;
Ac pios illas homines legentes.
Igne perurit.
Lassus ut cursu, rapidoq; Sole
Cervus intendit gelidos ad amnes,
Quem sitis flagrans medio sub astu
Torret anhelum;
Sic tua ardescens anima, atq; amore

Tacta

PSAL. DAVID. LAVDES. 23

Tacta cælesti cupit ad Tonantem .

Hic tibi verax Amor, hicque zelus

Præbuit olim

Robur, & fundam, lapidesq; , & arma,

Quæis Philistæum perimis Gigantem

Ruse tu Pastor, rutilansque primo

Flore iuuentæ .

Hoc sacro accensus, pie Rex, amore

Regis æterni canis ipse amorem,

Quo genus nostrum nimis ille, & antè

Sæcula amavit .

Nam Dei patris canis ipse natum

E tuo claro fore nasciturum

Semine, ut uinclis hominem Tyranni

Eruat Orci .

Vt ferant Reges Arabum, & Sabæi

Dona iam nato . canis inde lethi

Illius pœnas; genus, & flagella,

Insidiasq; .

Vt pedes fixus, geminasque palmas

Hæserit ligno; dederint ut escam .

Felci, ut potum dederint acetum

Impia Idume .

Eius ut vestes sibi miles aqua

Sorte diuisit, recitasq; verba

Quæis Patri mittens animam beatam

Lumina clausit .

Vtique dormiuit, subitoq; victa

Mor-

M V T I I S F O R T I Æ

Morte surrexit, rutilaq; ut illum

Luce suscepit genitor coruscum

Ditis ab ora.

Vt suum sanctum nihil in sepulcro

Ille corrumpi dedit; haud reliquit

Eius effulgentem animam sub Orci

Sedibus atris.

Utq; captiuas acies reducens

Astra cum plausu, & cytharis, tubisq;

Victor ascendit: dedit utq; sanctum

Flamen ab aethra.

Utq; in occasum properante mundo

Hora in extrema manifestus orbem

Iudicaturus veniet, sed alto

Igne tremendus.

Vtque damnabit stygias ad undas

Impios: contraque pijs perennem

Gloriam cœli dabit, atque sese;

Inclute, cantas.

Vt det hanc nobis, bone Rex, Amorem

Tu roga aeternum, simul ut canamus

Inter Heroas, superasque Nymphas

Dulciter hymnos.

P O L Y M N I A:



T laudare tuas nunc Polyhymnia

Hymnos aggredior, claraque carmina,

Lesboum

PSAL. DAVID. LAVDES. 24

Lesboun haud fugiens tendere barbiton,
Rex ense, atque lyra potens.
Vt nostri in medio fulgidus emicat
Phæbus, dum cythara personat aurea,
Cantantique simul cedimus, auribus
Dum letis bibimus melos.
Sic ipse in lyricis vatibus emines
Omnes exuperans. si celebras Deum
Tu, vel Semideos concinis, arduus
Concedit tibi Pindarus.
Gentis siue tuæ fortia prælia
Narras, Stesichorus vincitur, ac stupet!
Si vinum exhilarans cor hominis, canis,
Gaudens cedit Anacreon.
Passuri Domini si procul intuens
Heu tormenta; tui seu populi efferum
Urbisque excidium cernis, & ingemis,
Pulsans æthera questibus.
Cæi musa senis tot lachrymas tuas
Admiratur hians. si chelyn increpans,
Tot mysteria, tot dulcisonis Deum
Hymnis arduus intonas.
Hymnis ille suis dulcibus, & sacris
Cedit, Threiciæ qui fidibus lyræ,
Auritasque feras traxit, & arbores,
Hebræi sistit, & impetuum.
Quicquid denique in his vatibus eminet,
In te colligitur, floret, & emicat,
Aures,

MVTII.SFORTIÆ

*Aures, atque animos quod trahat omnium
Ad cœlestia carmina.*

*Qualis vere nouo grata Fauonij
Spirans aura replet floribus, & Rosis
Pratum, quod viridans talibus enitet
Gemmis versicoloribus.*

*Talis mundi opifex Spiritus æthere
Spirans, ætheriæ mille coloribus
Doctrina exhilarat, pingit ex hoc tuum
Rex, Psalterion aureum.*

*Qua propter iuuenes, & pueri, & senes
Hoc discant, & ament semper, & hoc canant;
Tali nanque sacro carmine ianua
Nobis panditur ætheris.*

V R A N I A.



*T modò hanc chelyn aureis
Stellulis benè fulgidam
Increpans, ab Olympicis
Labor Vranie ædibus
Veste cærule amicta.
Ut canam tua carmina,
Quæis Poli canis ardua,
Atque clara palatia,
Rex, poetaque nobilis,
Eminensque propheta.
Ut volans super æthera*

Dulcè

PSAL. DAVID. LAVDES. 25

Dulcè ibi requiesceres,
 Quis dedit tibi liberas,
 Candidasque columbulæ
 Rector optime, pennas ?
 Fontem apud Iouis aureum
 Tu thronum aspicias, optima
 Vita quo scatet omnibus;
 Quo fluit superos beans
 Vera, & alma voluptas.
 Cernis & simul impetum
 Quo Dei ex hilarat sacram
 Urbem, & astrigeras domos
 Calitum, ille mero fluens
 Amnis, Ambrosiaque.
 Celi ut astraque prædicent
 Gloriam, intelligis, Dei,
 Eius utque opera inclyta
 Hosque, syderaque aspicias,
 Atque cornua Luna.
 Vt Deum pater aurea
 Sydera enumeret, canis:
 Omnibusque ut eis vocet
 Nomina, imperet ut sua
 Iussa certa facebant.
 Vt sibi igniferi aetheris
 Verticem Deus arduum
 Legerit veluti thronum,
 Filij hominum hanc humum

G Dans,

M. V. T. II S. F. O. R. T. I. Æ

Dans, marisq; profundum.
 At quid ipsa modò explicem
 In tuis quoties sacris
 Canticis iubar igneum
 Solis, àc rutilum globum
 Cynthia, astraq; cantes?
 Siq; mystica quæ latent
 Sensa nominibus sub his
 Explicare velim, magis
 Ac magis mihi maximum
 Crescet, atque opus ingens.
 Tu velut penetralia
 Aetheris superi intuens,
 Calitumq; palatia,
 Raptus ut subita extasi
 Rumpis hanc, pie, vocem:
 O quàm amabilia aurea
 Tecta, magne Diespiter,
 Sunt tua; ista alta in atria
 Concupiscit, & ingemit
 Spiritus meus ardens.
 Undique ille beatus est
 Qui tua fruitur domo:
 Sæcla nanque per omnia
 Debitas tibi concinet
 Ore, cordeq; laudes.
 In Dei superis mei
 Ædibus cupio infimus

Negligi,

PSAL. DAVID. LAVDES. 26

Negligi, magis ardua
 Quàm tenere palatia,
 Qua colit vir iniquus.
 Vnam & expetis à Deo,
 Hanc requiris ab intimo
 Pectore, omnia sacula
 Vt domus habites tui, &
 Celsa templa Tonantis.
 Plura quid referam modò?
 Tu velut lapis Indicus,
 Magnesue atheris, athere ex
 Intimo omnia retrahis
 Pura corda sub æthram.
 Nanque dum tua carmina
 Concinuntur, ad aëra
 Candidas animas trahunt.
 Quæ velut gemina incitæ
 Ala, ad æthera scandunt.
 Sicq; Sydereos facis
 Exuens homines humum;
 Inter & statuens Deos
 Larga pocula nectaris
 Porgis, Ambrosiæque.
 Rector optime, qui modò
 Laureæ astrifera micans,
 Increpansque sacram lyram
 Inter ætherios choros,
 Magna numina mulces:

G 2 Cynthiam

M V T I I S F O R T I Æ

*Cynthiam velut auream
Inclytam, atq; Dei param
Virginem; atq; ut Apollinem,
Sive Iustitiæ iubar
Filiū canis alium.*

*Inter agmina calitum
Dum ipse regifica emicas
Purpura, oreq; splendido,
Inter ut nitet aureo
Ore Lucifer astra.*

C A L L I O P E.



*T modò purpureis furas euincta cothurnis
Pulchra voce canens, autorq; poëseos ipsa
Vltima, clare, tuum, vates, laudabo poema.
Illud quot varient pulchræ, exornentq; figura,
Quot pingant, radientq; poëtica lumina, monstrans.
Quis nam te melius quid comparat? ille beatus
Vir, qui peccantum non est scelerata sequutus
Consilia, asteius diuina in lege uoluntas,
Quàm benè confertur ligno, quod propter aquarum
Labentes riuos æterna fronde virescit,
Atque suos certo dulces dat tempore fructus?
Florenti ut iustum Palmæ, ramisque minanti
In cælum Cedro, Libanus quam proximus astris
Nutrit, Palmifera confers tu rector Idumes?
Vtque tuam tua Musa animam benè comparat illi
Cerro,*

*Ceruo, qui ad vitreos sitiens desyderat amnes?
 Quis nam unquam brutis sensum te gratior indit,
 Illa animata velut compellans carmine lato?
 Cum sicco rubras pede gens Hebræa per undas
 Transiret fugiens Aegyptia barbara regna,
 Purpureum fugit mare, Jordanisq; retrorsum
 Conuersus stetit, & uiridi tunc vertice montes
 Lanigeri gregis ut ductores, atq; mariti
 Exultauerunt; trepidoq; cacumine colles
 Gramine ludentes teneri exultastis ut agni.
 Quis circumuè loquens propriis, dignisq; Tonantem
 Nominibus ceu tu, vocat? atq; altissimus, atq;
 Iam Rex virtutum, & Dominus tibi dicitur ille,
 Nunc maiestatis Deus est: nunc ultio iusta,
 Nunc in eo superans melior clementia fulget.
 Clarius ut reddant, admirandumq; poema,
 Numina sæpè solent miscere loquentia vates.
 At tu sæpè Deum fantem tibi maxima verè
 Inducis, rigidum aut mortalia corda monentem.
 O præclare Dei præco, tubicenq; canore.
 Seu grauido eructas geniale è pectore carmen
 Quo quasi regnatrici in versicoloribus ardens
 Vestibus, & pallis auratis aurea sponso
 Præ natis hominum specioso, oleoq; peruncto
 Latitiæ, & cuius roseis diffusa labellis
 Gratia ridet ouans, priscos oblita parentes
 Iungitur alti throno gaudens Ecclesia CHRISTO.
 Siue hunc victorem scandentem sydera cantas*

Cum

M V T I I S F O R T I Æ

Cum pompa ingenti, lato & clangore tubarum:
 Vtq; omnes gentes dent tanta ad gaudia plausus:
 Aut asferre Deo mortales feruidus agnos,
 Terque, quaterque monens dictis hortaris amicis;
 Floridior non te, non est te laetior alter.
 At cum passuri Domini tormenta, genusque
 Mortis, & opprobria, & tristissima pocula fellis:
 Aut solymæ excidium gentis, urbisq; ruinas
 Entheus, & plorans tragico baccharis hiatu;
 Aeschylus inflatos tibi, Rex, grandesque cothurnos
 Donat, & ipse suos nitidos, pictosque Sophocles.
 Siue tuæ cantas animæ flagrantis amorem,
 Non formosum ardens puerum, pulchramuè puellam,
 Ast illum arcano qui copulat omnia amore;
 Eripiens cunctis primas Elegeia palmas
 Dat tibi, & Umber amans cedit, Cousq; Philetas.
 Internos animi non te præstantius alter
 Exprimit affectus, alacer seu gaudia narras:
 Crimina seu luges, venturaq; tristia pandis.
 Quinetiam tecum nos & plorare, simulq;
 Exultare facis, tanta est vis insita verbis.
 Quis lachrymas teneat? quis non suspiria fundat?
 Flebile cum recitas carmen, quo crimina fassus,
 Illorum, à Domino maestusq; humilisque precaris
 Tu veniam, largis humectans fletibus ora?
 Vel quo diuino correptus numine ploras
 Aduentasse hostes, & circum mœnia sanctæ
 Urbis, sanctorum riuos sudasse cruoris

Hofce

Hosce Feris dantes lacerandos, alitibusq;
 Arceque disiecta templum temerasse superbum?
 At contra quis non exultans gestit ab imo
 Pectore, & extollit gaudens ad sydera vocem?
 Cum versus cantat, Domini quibus ipse triumphos,
 Regressumq; Erebi fracti è pallentibus umbris,
 Ascensumq; canis cæli super aurea claustra?
 Vel quibus ut laudent Diuumq; hominumq; parentem,
 Vtque dies statuunt festos, & templa coronent
 Hortaris populos, mactentq;, vranique bidentes?
 Seu post ærumnas, exanclatosque labores,
 Postque impetratam veniam pius ipse Tonanti
 Aeternas memori persoluis pectore grates?

Nec genera illa tria excelsum, & mediocre canendi
 Atque humile, aternis his non cernuntur in odis.
 Excelsum tu nempè tonas, cum talibus infis:
 Alme mea vires, superum, te, Rector, amabo.
 At mediocre canis, populi cum facta recenset
 Hebraei, atque illum propter memoranda Tonantis
 Prodigia enumeras, benefactaque carmine stringis.
 Verum tunc gracili, à tenui modularis auena:
 Commissi sceleris cum iam pertæsus ab imo
 Corde, Mei miserere Deus, pater optime, clamas.

Si prodesse volunt, & delectare poëtæ;
 Quis nam te nostris animis, & mentibus ægris
 Pro fuit? aut prodest magis? hymnis aurea cunctis
 Qui dicta, ut gemmas inter seris, è quibus omnes
 Præcepta accipiunt vitæ, rectamque salutis

An-

82 MVTII SFORTIÆ

Angustamq; viam discunt, quæ ad sydera ducit?
 Qus te delectat magis, aut dum consulis orbi
 Vt Dominum laudent, cytharasq; , & cymbala tendant,
 Vtq; tubas, lituosq; inflent, ac tympana pulsant?
 Carmina seu promissis varijs contexta figuris;
 Seu totum per opus delecta, ac florida verba,
 Lilia, ceu, rubrasque Rosas aspergis abundè?
 Siue Deo plenus, raptusque ad sydera maior
 Sic ventura canis, representasque legenti,
 Vt sibi tunc proprijs oculis videatur obire?
 Quin etiam tanta vincis dulcedine sensus,
 Audeat ut nullus tibi se conferre poeta
 Qui magis oblectat; non princeps ille Latinum
 Excultus, grandisque Maro; non Appullus ille
 Qui Graiis primus cytharam furatus ab oris
 Romanas tenuit numerosus Horatius aures.
 Non Romanus eques dulcissimus ille Tibullus;
 Non Dux Græcorum uatum, & regnator Homerus,
 Ebria non dulcisque simul latissima Musa
 Teia; non ardens numeris, & florida Sappho:
 Non mea progenies tandem, quæ carmine syluas,
 Auritasque feras duxit, fluuiosque morata est.
 Cuius pulsata cythara, fidibusque canoris
 Fractus submitit blandè tria Cerberus ora.
 Vxoremque dedit Pluto miseratus amantem,
 Nec solitis manes pœnis excruciat Orcus.
 Nec tantum pulchro uerborum in cortice fulget,
 Maior at arcanis latet oblectatio sensis.

Cortice

Cortice nam veluti rubro pulcherrima visum
 Punica mala iuuant, ac si rumpantur, apertis,
 Mansisque exhilarant gemmis rutilantibus ora.
 Atque ut vere nouo depictum floribus aruum
 Lumina delectat varijs violisque, Rosisque;
 At magis olfactum fragranti mulcet odore.
 Non aliter quamuis varij tu carminis aures
 Latificas sonitu, magis attamen intima pulsas
 Pectora, & admissus circum præcordia ferues:
 Dum tua sublimes meditantur carmina mentes.
 Et meritò; nam qui tibi talia spiritus almus
 Carmina dictauit, resonant dum pectore puro,
 Cantantum arcana mentes dulcedine complet.
 Vtque ardens Bromius, conceptus inebriat, unde
 Protinus ex oculis lachrymarum dulcia manant
 Flumina, culparum nigras tergentia sordes.

Sed quid tam sacrum, doctum, & caeleste poema,
 Illius & vires, sensusque enitar, & artem
 Laudibus amplecti? non Diuum cantor Apollo,
 Non nos sufficimus pariter, Rex magne, sorores.
 Non si quot nutrit frondes Parnassia Laurus
 In totidem linguas, vocesque, & plectra, lyrasque
 Vertantur, laudare satis tua carmina possent;
 Carmina per cælos, omnesque sonantia terras.
 Quorum formoso quanti sub cortice sensus,
 Quot nostræ lateant mysteria magna salutis.
 Testes Doctores Graij, testisque Latini,
 Talia qui magno reserant, panduntque labore;

H

Ac

M V T I I S F O R T I Æ

Ac veluti clauēs tot commentaria tradunt.

*Quare agite ò casta, docta긑ue, alma긑ue sorores,
E celsis Palmis, quas proxima gignit Idume:
Nec non è Lauro, sacra qua fronde uirescens
Per iuga Parnasi semper pulcherrima surgit;
Atque ab odoriferis Myrthis, quas lambit Oromes,
Et quas Eurota Spartani flumina pingunt.
Carpite nunc ramos certatim, carpite frondes.*

*Huicque Poetarum Domino, regi긑; coronam
Texite, ne긑tentes hedera, flauis긑; corymbis.
Huic pictas violas, huic candida Lilia ferte;
Ferte Rosas; florum calathis hunc spargite plenis.
Frondeb; at non his, non floribus his opus, ò Rex.
Nam modò stelliferi spatianti in culmine cœli
E claris, lectis긑; astris contexta corona
Iam tibi ceu merito radiantia tempora cingit.
Et cythara intentos mulcentem, & carmine Diuos
Floribus æthereis aspergunt undique leti
Virginei, vatũ긑; chori; tum laudibus omnes
Te simul extollunt vatem긑; , atauum긑; Tonantis.*

FINIS.



MVTII SFORTIÆ

CARMINVM SACRORVM
LIBER PRIMVS.

AD ILLVST. ^{MVM,} ET REVEREN. ^{MVM,}

F. MICHAELM
BONELLVM
S. R. E.

CARDINALEM AMPLISSIMVM.

O D E. I.



SACRAE, MICHAEL, glo-
ria Curia,

O Spes Pieridum, nostraque, Maximi
Quinti digne PII Pontificis nepos;
Sunt quos altifono carmine praelia

Heroum, celebres sine cupidines
Decantasse iuvat. bella pedestribus
Seu facta Historiis inclyta Principum
E narrant alii, uisa, vel auribus

H 2 Accepta.


M V T I I S F O R T I Æ

Accepta hi referunt ordine tempora.
 Ut vulgo placeant, condere fabulas
 Ingens turba studet. siue Tragædias
 Componunt tumidis versibus arduas.
 Explanant alii iura, voluminum
 Ingenti numero. candidioribus
 Huius triplex sophia differitur libris.
 At plura ingenia aut pharmaca condere:
 Morbos siue grâues texere; graminum
 Seu vires medicas pandere non piget.
 Tot motus varios carmine syderum
 Non nulli memorant. huius iuuenilibus
 Perculsi tenerum pectus amoribus,
 Romanis Elegis, seu potius modis
 Ethruscis Dominae vulnera detegunt;
 Illamq; ad superos laudibus efferunt.
 Magna illi breuib; oppida paginis
 Includunt. alii ducere lineas
 Scriptis; aut numeros flectere musicos:
 Seu curare greges; pangereq; arbores:
 Dicendiue modos latius edocent.
 Ipse autem, veluti Rex pius ad lyram
 Qui Regi superum mystica carmina
 Sed plenus cecinit flamine celitus;
 Enitor Syricis versibus hunc quoq;
 Exaltare, canunt quem super æthera
 Circum calicolæ: quemq; opera omnia
 Illius manuum maxima prædicant.

AD

AD EVNDEM
^{MVM,} ILLVST. ET REVER. ^{MVM,}
 CARDINALEM
 ALEXANDRINVM.

O D E. I I.



*V*M tibi chordas serio canoras
 Lesbio plectro, MICHAEL,
 obaudi
Quas Amor laudes tibi, quodque man-
dat

Promiere carmen.

Ingeni sed vim, facilemque venam
Ipse virtutum numerus tuarum
Turbat; heu quas nam: magis hanc, an illam.
Ordinar anceps?

Indolem dicam? manifesta cuius
Signa ut aspexit patruus, paremque;
Ardus rebus, vocat, extrahitque; ad
Lumina Solis?

Et sacram frontem decorat superba
Purpura, canos sibi quae verendos
Texerat, sed mox triplici Tiara.
Cesserat ardens:

An canam prudens, vigilansque; pectus?
Nanque dum sessus recreatur ille,

Imperi

MVTII SFORTIÆ

Imperi & molem, ex humerisq; pondus
Excudit altum;

Qualis ardentes, rutilosque stellis
Substinens axes, sub eis anhelans
Herculis cælos humeris ferendos
Tradidit Atlas;

Ipsē ut Alcides onus, atque rerum
Arduos fasces subis acer, & par;
Atque Romanas moderaris altus
Rector habenas.

Explicem quantum valeas loquendo?
Vtique cum Pastor bonus excitaret,
Ille Regnantes Geticos in hostes
Thraciaque arma;

Munus ad tantum vocet, eligatque
Te, nimis prudens, residesq; fando,
Dulcē qui inflammas animos, & alta
Pectora Regum?

Vique legatus, referensque magnum
Patrum, magnas properes ad oras
Magnus Orator, simul intonansque
Magna Tyrannis?

Talis æterno Ioue natus, atque
Aliger Maia genitus, per auras
Fert Deum interpres patris hūc & illūc
Iussa Tonantis.

Tendis ad Gallos, superas & Alpes;
Et Patris mentem prius explicantem

Au-

*Audiit te Rex, veritusq; pendens
Gallus ab ore est.*

Iamque persuasus sacra preparabas

Arma in Eoos, nisi dura Fati

*Vis PIVM nobis rapuisset, augens
Numine Divos.*

Inde Pyrenes iuga celsa transis,

Visis Hispanos, adis atque Regem

Iustior quo, nec pietate maior,

Non viget alter.

Calchar & subdens, magis uris æstro

Pectus; ille ardens fremit arma, & armis

Dorso ab Europa meditatur omnes

Pellere Turcas.

Vique regnorum tot, opumque diues

Munus immensum tibi largus offert,

Redderetque auri tibi quod talenta

Plura quotannis.

Ipsē sed spectans oculis irretorto

Auri, & argenti rutilos acervos,

Respis, Cræsus velut alter esses,

Munera tanta.

Quis tuam dignè modo charitatem,

Publica ut spectet bona, cantet? aut qua

Illo in excelsō uigeas senatus

Dexteritate?

Nanq; ubi scandit PIVS almus astra,

Præsides & Mundus titubaret orbis,

Tu

M V T I I S F O R T I Æ

Tu tuos tecum rapiens sodales

Numine plenus,

Eligis qui nunc moderatur orbem,

Quique successor foret æquis illi:

Haud moras nectens, gemina sed intra

Tempora lucis.

Quippè feruebat sacer apparatus.

Belli in Eoos, trepidosq; Turcas;

Et caput summum sibi postulabant

Agmina tanta.

Iam tuos sanctos, niueosque mores,

Meq; doctrinas varias canentem,

Ipse quæ olim puer imbuisisti

Pectoris arcem;

Litteris & quod faueas amicus;

Quodq; Mecanas velut alter, illas

Excites donis, meritisq; digna

Pramia figas;

Castæ quæ virgo est vetuit Camæna

Nostra Lesbos fidibus sonare:

Neue adulatrix videatur, aut fors

Garrula valdè.

AD

ALEXAND. CARDIN.

ODE. III.



DISPONANT alij fumosas atria cir-
cum

Atauum, patrumq; imagines.

Huius & illius vestigia clara sequentes,

Ad facta anhelent inclyta.

At non te, MICHAEL, decet inspectare rotas,

Et laureata stemmata.

Vna tibi ante oculos si proponatur imago,

Ceu mille clara imagines

Te stimulare potest. huius, siue illius optas

Mundi micantem gloriam.

Si PIVS ante oculos tibi semper auunculus astat,

Auremq; viuens vellicat;

Ad virtutis iter, ad praeclarissima facta

Te suscitabit impigrum.

Hoc duce vel solium poteris superare supremum,

Optant quod omnes scandere.

Ille tibi fulgens Helice, Cynosura sit ille.

Fidissimo hoc tu sydere,

Emenso hoc pelago, caelestem denique portum

Prendes, solum viuentium.

Sed tibi currenti quid calchar subdo? magisq;

Magisq; anhelum concito?


I Huius

M V T I I S F O R T I Æ

*Huius ad exemplum si te componis, & huius
Sectans premis vestigia?
Fama etenim certè talem te prædicat orbi.
Bonis fauentem litteris,
Pimbleisq; sacris; doctum, castumq; grauemq;:
Quid plura? quod ceu nominis,
Virtutum, MICHAEL, patru' sis nobilis hares;
Pii & nepos haud deneger.*

A D P I V M V. P O N T I F.
M A X I M V M
Q V I A N T E A M I C H A E L
D I C E B A T V R.

O D E. I I I I.



*Q V A L I S è celsò Michael Olympo
Expulit victor Stygium Draconem,
Qui ruens, cauda rutilante, multa
Sydera traxit.
Talis è regno, Michael, aquarum,
Magne, serpentem pepulisti Eoum,
Qui diu infestum rabidis colubris
Fecerat aquor.
Vt tremat nomen Michaelis Orcus:
Et nigri manes, Erebiq; turma.*

FL

Illius si fors radians imago
Terruit umbras.
Sic tuum nomen tremuit Othomanus
Pontifex summe ò MICHAEL, Getaq;
Ac paucis, ne tu, velut ille primus
Cælicolum Dux
Tartaro fontes acies reuinxit:
Cassijs claustris ita rursus ipsos
Vincias, pellens Orientis omni
Victor ab ora.

IN NATALI DOMINI NOSTRI
IESV CHRISTI.

O D E. V.



VIVS aurata cythara verendum
Nunc Deæ partum celebrare, Clîo,
Dulci, & in tacto mihi, sed decenti
Carmine sumam?
Nunquid infami tui Ioue Creta nato
Ex Ope, impulso Corybantis ære
Horruit, ficto ubera vel capellæ ad-
mota Tonanti?
Aut ut armata, & quatiens rigentem
Hastam, & horrendum clypeum minaci
Dextra, & obtutu, exiluit paterno è
Vertice Pallas;

I 2

Cum

MVTII SFORTIÆ

Cum Iouis nutu radians ab altis
Nudibus fuluis, rutilante gutta
Decidens claram Rhodon irrigauit
Aureus imber?

Aut ut excussus Bromius parentis
Fulmine exusta tremebundus aluo,
Patris insutus femori, hinc recentes
Hauferit auras?

An vago ut Delus agitata ponto,
Hæserit vinclo scopulis tenaci,
Bina Latona pariente nigro
Lumina mundo?

An quoque ut partu mage fabuloso
Filiam pulchram, Oebaliosque fratres
Tyndari coniux gemino calenti
Extudit oo?

Non: sed ut magnus Deus, omniumque
Conditor verus, sapiensque rector,
Patris æterni soboles perennis,
Sydera torquens

Perditum nostrum genus, ut superna ad
Astra iam victor traheret, recluso
Cælo, & effractis Erebi catenis,
Funderet Orcum,

Prodiit, stellas tamen haud relinquens,
Subditus morti, patiens dolorum,
E sacra intactæ, nitidæ, atque castæ
Virginis aluo.

Texte.

Texerant montes gelida pruina,
Ceperat Titan tepidis aquosi
Frigidum cornu radiis obire
Aegocerotis.

Atque erat te tempus, volucres, feraque
Quo silent, & Nox tacitas agebat
Aureas bigas, mediumque iam pul-
sabat Olympum.

Cum Bethlemiti recubans in antro
Mensibus partus, pia virgo, plenis,
Et seni tantum comitata casto
Numen adorans,

Testibus signis, tacitis & astris,
Teste Natura attonita, & stupente,
Pondus, illeso niueo pudore,
Edidit alium.

Tum specu in toto subito refulsit
Mira lux flammis tremulis oberrans,
Quæ suo furuam pepulit micanti
Lumine noctem.

Tunc & auditus chorus Angelorum
Aureis plectris noua personantum
Dulciter magno puero, suoque
Carmina Regi.

Ipsa sed tanto genitrix honore
Gestit, infantem fouet, alligatque;
Vilibus pannis, roseasque mammas
Admouet ori.

No-

M V T I I S F O R T I Æ

Nocte non illa, rubefactus, ex quo,
Protulit lucem veniens ab ortu
Phabus, illuxit rutilo nitore
Clarior orbi

Lux, vel optatum iubar, aut serenus
Fulgor, hanc claris numerasse gemmis
Fertur, hanc albo quoq; condidisse
Vellere Parcas:

Hac enim vernans Zephyro tepenti
Fota, Narcissos, violas, Rosasq;
Grata submisit domino cadenti
Dadala tellus.

Hac & hybernis quatere nullas
Flatibus sylvas Borea, Notique.
Hac & undosi placide quierunt
Aequora ponti.

Vlla nec nubes maculis, notisue
Aera infecit liquide nitentem;
Plus at in toto, solito, micarunt
Sydera celo.

Nectare, & Melle, Ambrosiaq; nimbis
Floridos campos, virides & herbas
Leniter caelos pluuiis rigasse
Fertur odoris.

Tuque Regem paciferum, piumq;
Testis aduentasse, ruens profundo,
Vortices plenos oleo rotasti
Flumine, Tybris.

Hac

Hac & alati placido ministri
Ore, mortali cecinere pacem,
Qui Deo dudum fuerat rebellis
Crimine primo.

Quem nec in lectis tumidis supini
Ocio, & somno, & Bromia sepulti
Esse nos propter potuere natum
Noscere Reges.

Nec reuelavit Deus his diu qui.
Paginas versant, pariterque noctu:
Qui nihil credunt, nisi quod creatur
Ordine rerum.

Hac & insomnes, vigiles, piq;
Corde Pastores monitu Deorum,
Luminis clari radiante & illos
Lampade circum.

Simplices, primique hominum beati;
Creduli cernunt, humilesq; adorant,
Nuntiant, tangunt, pauidiq; agresti
Munere donant.

Hac ut astrorum dominum iacentem
Fæno adorarunt piger hinc Asellus,
Taurus hinc, artus teneros anhelo
Ore fouentes.

Hac & excelsum quatiens Olympum,
Filium tradens, hominiq; amicus
Factus, obstructi reserauit alta
Limina cali.

Hac

M V T I I S F O R T I Æ

Hac diu mundo tenebris opaco
Sol ab unius gremio puellæ
Verus affulsit, superisque flammis
Omnia lustrans.
Te per hanc, ergo, celebrem, sacramq; ,
Lucidam noctem, roseam, beatam,
Te rogo in terris sine Patre natum
Conditor orbis.
Nunc Dei dextra patris assidens, qui
Gloria æterna decus, atq; splendor,
Syderum cursus rapidos gubernas
Virque, Deusque:
Ast ea chara genitricis almo
In sinu exceptus, niueum bibisti
Lac ab intactis, roseisq; mammis
Blandior infans,
Vt meo cum mors capiti imminebit,
Spiritus victor penetrare possit
Ad tuas sedes, ad aperta nactus
Claustra polorum.
Quà dies plenis radiis coruscat,
Lux ubi æterna, & sine nocte semper
Te suum Solem tua clara Diui
Sydera norunt.



IN

CARM. SAC. LIB. I. 37
IN D. IOANNEM APOSTOL.
ET EVANGEL.
ODE. VI.



IOANNES *superi seu decus ætheris*
Te claustris rutilis sydera detinent,
Exutum fragilis corporis artubus ;
Seu, fama ut potior, floribus Hortuli
Terrestris caperis, iuribus integer,
Cum canis socijs Henoch, & Helia.
Huc aduerte animum, dirige lumina,
Huc intende tuas ad mea carmina
Aures, dulcisonas dum tibi fundimus
Immixtas meritis laudibus & preces.
Aeterno genito sanguine proximus
Cum sis, multiplici & lumine fulgeas
Virtutum ; varijs distrahor anxius
Curis, quid prius, ac ex quibus, ordiar.
Siccantem bibulo retia littore
Te, cum fratre sequi se iubet ocyus
Piscatorem hominum pollicitus fore
Te, magnus liquidi conditor æquoris.
Hinc eius lateri perpetuus comes
Hares, virginis moribus, & pio.
Ac miti ingenio gratus, & obsequens,
Hinc arcana aperit penè tibi omnia.
Nam cum perspicuam montis in ardui

K Sa-

M V T I I S F O R T I Æ

Sacro, atque æpio vertice gloriam
 Demonstrare suam vellet, ut altior,
 Cum fratre, atq; Petro te simul accipit.
 Atque illic facies eius ut aureis
 Effulxit radijs splendida, lampadem
 Phœbeam superans, vestis & albicans
 Vidisti ut fuerit candidior niue.
 Illic legiferum Moſen, & inclytum
 Pellitumq; senem curribus igneis
 Qui cælum petiit, eius at impia
 Fantes cum Domino de Cruce, morteq;
 Ac cælo è nitido, nubeq; lucida
 Audisti pavidus, stratus, & horridus
 Testantis sobolem, grandisonam Patris
 Vocem cum tonitru, Filius hic meus.
 Cumq; iisdem comitem ducit in hortulum
 Te post floricomum, tristis & anxius
 Cum Patrem rogitans tolleret ut Crucem
 Sudanti irrubuit sanguine roſcidus.
 Huc, illucq; aliis diffugientibus
 Cum iam Rex superum captus ab inuidis
 Sæuisq; Isacidis pessimus ut latro
 Eſet, verberibus saucius insuper:
 Ut rupes pelagi fluctibus obuia,
 Quæ latent rabidi hinc, hinc licet æquoris
 Vnda, mole sua se tenet, & fremunt
 Ne quicquam Boreas, à Notus humidus.
 Sic solus stabilis, nec piger aspero

Tu

Tu mortis Domini tempore núbilo
Persistis, nec eum per loca deferis,
Cum matre at sequeris sæua per agminâ.
Quare cum vacuo celsus in aère
Staret, sydereas cum pedibus manus
Affixus rigido vulnere, ferreis
Clavis, atque caput sentibus obsitus.
Te iuxtaque crucem cerneret, & suam
Heu matrem miseram candida lachrymis
Præ largis madidam pectora, & aurea
Pulsantem calidis sydera questibus:
In matrem meritò tum tibi tradidit
Illam, per placide at fatus, & inuicem
Illi te in sobolem, talibus alloquens
Hanc verbis, Mulier, Filius es tuus.
Nanque eius fuerat nullus amantior
Ipso te, obsequiis atq; fidelior,
Corde & Virgineo purior, omnibus
In terris, neque te denique sanctior.
Felicem nimium, cui Domini parens
Heredi veluti propria contigit
Mater, à genito è Virgine, virgini
Nato, virgo data est ut Rosa Lilio.
Inde illam accipiens impiger in tuam,
Assistis, sequeris, ducis, & omnibus
Curas officiis, spiritus illius
Arcem dum tenuit pectoris innocens.
At postquam remeans victor ab hostibus

K 2

In-

M V T I I S F O R T I Æ

*Infernis, petiit fulgidus athera,
 Et patrum referens agmina fortior
 Surrexit, radians lumine gloriæ;
 Tu primus properans curris, & inuenis
 Reclusum tumultum, tuncq; ibi lineas
 Vestes depositas, quare & ab Inferis
 Surrexisse Deum credis, & approbas.
 Ad dextram omnipotens ast ubi filius,
 Sedit terrisoni patris, & undique
 Abste sparsa. Asia est semine fertili
 Ducentis fidei ad claustra micantia:
 Quæ quondam querulo tempore, & in sacra
 Cæna, atque in Domini pectore verticem
 Acclinans, nitidis è sapientia
 Diuina sitiens fontibus hauseras;
 Eructas, veluti flumen ab alueo
 Quod seruens rapido gurgite proruit:
 Ac celsa exuperans ut Iouis armiger
 Alis penniferis nubila, & aëra:
 Immotaq; acie lumina lumini
 Affigens rutilo flammini omæ Rota;
 Sic mentes hominum sensibus arduis
 Excedens, penetras ad iubar intimum.
 Vtique in principio Patre erat, in tonas,
 Verbum progenies, quod pauet audiens,
 Verbis grandisonis mundus, & incremit,
 Et si non capiat, credit, & accinit:
 Ergo cum sapiens, illeq; plurimum*

Di-

Dilectus Domino Solis, & aetheris
 Tu sis discipulus, cumque tot eminens
 Iuxta illum meritis praeualeas piis.
 Natum sydereo numine sub tuo
 Me totoq; tibi pectore deditum
 Tu lustra, atque fove, duc, rege, dirige;
 Ipso nanque die, quo litus emicas
 Feruenti ex oleo nudus, & integer,
 Luci ipse ex utero vagio redditus.
 Quare ut tu veluti fortis, & inclytus
 Athletes ualido robore proflis
 Ex illo: facias, sic, precor, egredi
 Me, cum tempus erit, corporis artubus
 Ex huius, variis quod modò fluctibus,
 Igne & luxuria fertur, & astuat.
 Ut castus nitidum te sequar euolans,
 Ac lucens repetam lucida sydera.

IN DIE CIRCUNCISIONIS
DOMINICAE

ODE. VII.



ISTIS nè auspiciis dies
 Primos ingrederis, blandaque limina
 Vita adhuc tenera tua?
 Anni principium sic celebras noui,
 O summi Patris inclyta
 Proles, cui maria, & lucida sydera,

Aër,

MVTII SFORTIÆ

Aër, terraque & omnia
Parent, ò columen, nostraq; gloria?
Vix solis iubar oëties
Exortum fuerat luminibus tuis,
Et fundis puer eiulans
Artus candidulos vulnere saucius
De more heu graue sanguinem;
Vita ipsaq; tuis charius accipis
Saluatoris amabile
Nomen, cui omne genu flectitur intremens.
Isto quod pretio velut
Nos rapturus eras scilicet horridi
Ex Orci ingluvie effera;
Ducturus superos & simul ad thronos.
Quæ clementia te, Deus,
Quæ vicit pietas, tantaq; charitas,
Vt uelles toties tuo
Pro nobis niueo è corpore sanguinem
Totum denique fundere?
Nam ferri hîc aciem sanguine purpuras
Tu primum, & lachrymis patrem
Secreto ac uiridi clausus in hortulo
Orans mortis ut aspera
Transferret rigidum, tristeq; poculum,
Guttis sanguineis humum
Sudoris fluidi languidus irrigas:
Hinc post terga manus trahi
Vinctus marmorea, strictaq; brachia

Fla-

Flagris milite ab impio
 Casus, vulnerifica & verbera perferens,
 Arius mitis eburneos
 Stillis purpureis spargis, & inficis:
 Nec non vertice de sacro,
 Cuius terribili tu supera agmina
 Nutu, carulaque equora,
 Et terras pauidas, astraque concutis;
 Transfixo ad cerebrum intimum
 Usque ex implicitis sentibus horridis
 Rores sanguinei ad pedes
 Manarunt oculos, ora per & comas.
 Inde in califeram crucem
 Sublatus, rigido vulnere, ferreis
 Clavis cum pedibus manus
 Traiectus niveas, quatuor asperis
 E plagis radiantibus
 Tres fundis roseos, Rex bone, rinulos.
 Et tandem exanimis latus
 Consoßus rutila cuspide lanceæ,
 Vdo emittis, hiantequæ
 Ex corde, è madida ut rupe, uel è specu
 Dudum fatus id antea,
 Lympha purpureæ mystica flumina:
 Salve ò uictima, & hostia
 Pro me facte, Deus, conditor omnium,
 Ara qui in Crucis ardua
 Summo spontè Patri te semel immolans,

Etc.

M V T I I S F O R T I Æ

Electum populum abluis
Aeternum scelerum sordibus omnium;
Mundans non cinere, aut aqua,
Aut Hirci, aut vituli sanguine, sed tuo:
Salve, ò candidior niue
Agne, orbis maculas, criminaq; auferens:
Nam nos è graue olentibus
Tot sacrificiis, totq; animantium
Seuis cadibus eripis.
E coll'q; iugum detrahis asperum,
Quod vix fessaq;, anhelaque
Olim Hebraea tulit perfida seruitus.
Nobis denique quod Deum
Mundi ex principio crimen ob vnus
Iratum, in Crue mortuus
Placaris proprio sanguine, cædeque.
Quare ò summeque Pontifex,
Atque idem niuea, & candida uictima,
Multa cum prece te rogo
Per sacrum superum sic placitum Deo,
Aspergas, pie guttula
Me totum rutili sanguinis ebria;
Tandem tersus ab omnibus
Culparum ut maculis, purus, & integer,
Iamque hic Angelus aureas
Alas concutiens, arduus euolem
Aedes urbis ad illius
Excelsæ intidas, tectaque gemmeas,
Cuius

Cuius lumina cernere,

Intrare aut poterit nil, nisi fulgidum.

IN EPIPHANIA DOMINI

O D E. VIII.



*Q*UOD iubar Eoo tremulis ex orbe re
fulget
Insolitum radijs, & apertum
Per cælum rancias effundit vertice flam-
mas

Aurato? neq; lumine cedens

In tenebris Phæbe, plenos cum colligit ignes

Fraternos; neq; luce rubenti

Soli, cum uictor medij iam culmen Olympi

Scandit, equis ac instat anhelis?

Quò pergunt turma molli, densaq; Sabæi?

Quò ve Arabes simul agmina iungunt;

Quò sic lati equites tendunt, celeresq; Cameli

Tot glacie sola lubrica currunt?

Quò Regnatores sceptris, rutilisq; Tiaris

Insignes, ostroq; decori

Festini properant, cui totq; ingentia Regi

Dona ferunt, noua regna petentes?

Numine quo freti sic huius certa secuti

Syderea sunt lumina flammæ

Præuia? Quid mirum patitur Natura, stupetq;?

Stella stetit, radiosq; sub antrum

L

De-

MVTII SFORTIÆ

Defixit Bethlemite. viæ, tantiq; laboris
 Iam causas agnosco, proboq;
 Vagitus nam, CHRISTE, tuos procul audio, & almos
 Cœlicolum cantusq; , chorosq; .
 Felicem rupem idcirco super astitit, atq;
 Felices Regesue, Magosue
 His visum est verbis, taliq; affarier ore
 Sydus : vos ò sistite cursum;
 Hic vobis, hîc meta viæ est, hîc conditor orbis
 Factus homo, in fœno iacet infans.
 Latus id, stantes iam cerno, iamq; relictis
 Defluxisse ab equis, humilesq;
 Et venerabundos sanctum, sacrumq; subire
 Antrum, cum sceptrisq; coronas
 Projicere ante pedes nudato vertice, Rector
 Magne, tuos, propriisq; reclusis
 Thesauris, tibi Myrrham, aurumq; & mascula thura
 Mortali, Regiq; Deoq;
 Offerre; authoremq; Poli, telluris, & vnda
 Prostratos, gestuq; fateri.
 Osculaq; attonitos defigere dulcia plantis,
 Vixq; oculos explere tuendo.
 Aspicio iamq; alma parens, niuea ora rigantes
 Vix lacrymas te sistere posse,
 Quas effundebant tentantia gaudia pectus,
 Per letos oculosque genasque;
 Virgineo cum amplexa sinu sine semine natum,
 Et tanti tibi conscia partus,

Pro-

Prostratos Reges ignoto ex orbe, trementes
Ante illum, & pia numina fassos,
Noscentesque Deum, tria mystica numera ferre
Aspiceres, teque inter honores.
Teque, beate senex, cerno, vix membra regentem,
Attonitum, similemque stupenti.
Iamque specum totum video splendescere clara
Barbarica gaza, atque superbo
Regifico luxu, fuluque ardore metalli,
Et gemmis, nitidisque Pyropis.
Et suavi fumo repleri; pingua nanque
Thura focis, costumque cremari
Sentio, quæ blanda caligine sydera lambunt,
Et spargunt simul undique odores.
Ite modò, & caco, duroque hunc corde negate
Esse Deum, vestrasque nefandas
Aras, illorum rosco sædate cruore
Illius qui nunem adorant.
O vos, qui pressa iam re, lapsaq; latina
Immensas, orbi que tremendas
Romani imperii quondam rexistis habenas
Sanguinei, seuque Tyranni.
Et Maia, gelido Cyllenes vertice, natum
Arcada, stelliferiq; nepotem
Atlantis, vestros inter numerate profanos
Fictosque, impia numina, Diuos.
Quod uix ex utero matris proiectus in auras
Aethereas, armenta, bouesque

L 2

Lato

MVTII SFORTIÆ

Latōi fuerit prædatus Apollinis, & quod
Vocalis testudinis vsum
Infans reppererit: cytharam, nervosque canoros
Virgineo tum pollice tendens.
Postque tot ærumnas, exanclatosque labores
Absumptoque alii ignibus Oethæ
Amphitryoniada totum iam pandite cælum;
Et inuenis, semperq; uirentis
Hebes connubium optatum, dulcesq; Hymeneos
Addite, pacatamque nouercam.
In cunis quod adhuc geminos, immania monstra,
Illi odio Iunonis iniquæ
Missa, premens manibus teneris, eliserit angues
Intrepido ridens puer ore.
Insequere, Hebræe, hunc, dirisque, incredule, dictis
Aeternum, prolemque Tonantis
Esse nega; palmis hunc cæde, hunc tunde flagellis,
Duro affige hunc denique ligno.
Et Mosē lauda, Mosēque ad sidera tolle;
Infans quod clausus in arca
Fluminis ad ripam, uobis sit numine Diuum
Seruatus, gremioque puellæ
Regali exceptus Pharia, hinc edoctus, & altus,
Signis per tot in hospita duxit
Vos loca mirandis. Quod credo, nec improbo, sed cur
Concelebras seruumque, hominemq; .
Atque hunc non credens, laceras, & stipite tollis
Cunctorum dominumque, Deumq; ?

Si

*Si vos nil tangunt tot mira, excelsaq; facta,
Qua vir firma aetate peregit.
Non agris robur, non reddita lumina caecis,
Non Acheloia pocula rubrum
Mutata in Bacchum: non perdomitaq; procellae
Ventorum; non aquora ponti
Strata eius nutu, non vita infusa sepultis;
Delapsae nec ab aethere voces.
Aspicite at saltem prima incunabula; nanque
Ex his agnoscetis aperte
Esse Deum; nullo conceptum semine Virgo
Infantem parit, atque papillis
E roseis fundit mirandi flumina lactis,
Qualis erat post, candida, partum
Virgo manens: resonant superas, tacitasq; per auras
Pacem ipsis mortalibus agris
Agmina caelicolum; simul & Pastoribus alnum
Natum esse, in faenoq; iacere
Autorem caeli referunt; nova stella resulget,
Insolito nova lumine, cursu.
Ignoti Reges extremi Orientis ab oris
Aduentant, tria dona ferentes.
Scilicet immortale eius qui numen adorant,
Et credunt, certeq; fatentur:
Ut summos Reges rutila, aeternaq; corona
Quod sit donaturus in illo
Claro, & perpetuo regno, quo maximus ipse
Rex Regum per saecula regnat.*

IN

MVTII SFORTIÆ
IN PRIMO DIE QVADRAGESIMÆ
O D E. IX.




AT Baccho, Venerique datum, satis & io
cis solutis,
Ventricule inertis, aque ebris choreis.
Nunc contra sordentem animum decet omnis
ab reatus
Purgare labe, & crimine expolire.
Nam iam Christicola ieiunia sacra nunc celebrant,
In fine quorum passus est IESVS.
Qua propter veluti tellus prius albicans pruinis,
Carens, rigeat, graminum decore.
At nunc, ut rediens Sol Arietis aureum, micansque
Dorsum tepenti lumine est adortus:
Dudum conceptum humorem parit, explicansque veris
Opes odori: roscida & virenti
Herba, purpureis & floribus undique arua lata
Distinguit ornans, spirat ac odorem.
Montibus ut canis nunc liquitur humor, unde cursu
Torrentiori flumina efferuntur.
Sic & nos glaciem sub pectore iam diu gerentes
Torporis, altoque ex Deo remoti;
Cum ceu Sol iterum CHRISTVS micet inuocatus, atq;
Effundat ignes gratiæ supernæ:
Durum, asprumque gelu frangamus, & ex utroque riuos
Iam lacrymarum lumine extrahamus.

Eque

Eque piis factis, ut floribus, offeramus inter-
Textam coronam cuncta temperanti.
Cui ceuthus incendamus placitos odores
Orationis, castimonieque.
 CHRISTO ut compassi simul, atque conscripti
Nostri delictis, illa deferentes
Et veterem deponentes hominem, indui queamus
Nouum, cum IESU & surgere emicantes.
Ceu coluber quem bruma rigens prius asperum tegebat
Terræ repentis sub cauis latebris,
Exuuiis veteri posito nouus, & nitens iuuenta,
Horrenda stridens erigit rubentes
Ad Solem cristas, atque herbas uiret inter, implicat que
Iam terga, linguis & micat crisulcis:
Quo maculis terfi sic omnibus, imminente lethi
Hora, sequentes prauum, ducemque
Ipsam, cum CHRISTO attollamur in aetheris penates
Aeternum, & illic fulgidi imperemus.

IN GLORIOSA DOMINI
ASCENSIONE.

ODE X.

 OST QUAM tenebras expulit inferas,
Victorque postes contudit areos,
Accinctus immenso, & potenti,
Robore, luminibusque fulgens
Summi parentis filius, & iugo

Sub.

MVTII SFORTIÆ

Submisit hostem, collaq; ferreis
 V inxit reluctanti catenis,
 E manibus rapuitque prædam.
 Patrumq; ducens agmina tertia
 Luce, atque opimis etiam spolijs nitens
 Apparuit verax amatis
 Discipulis, miseraq; matri.
 Quaterq; denis lucibus edocens,
 Vescensq; cum illis mansit in asperis
 Terris, ut illuc unde dudum
 Venerat, indomitus rediret.
 Eduxit omnes denique ab inclyta
 Vrbe, & quot in se crediderant prius
 In consitum canis oliuis
 Atque sacrum, celebremque montem.
 Ac antè dicens nomine quæ in suo
 Essent agenda iis, mira, nec amplius
 Visa, & modum gignentis in se
 Ordine præcipiens lauacri.
 Qualis minister fulminis ignei
 Ales, comanti ex arbore in aëra
 Se tollit, atque expandit alas
 Omnem aciem fugiens acutam
 Talis micanti, nubeq; lucida
 Inuectus, alto è vertice sydera,
 Ac Regiam ascendit paternam
 Se ex oculis rapiens eorum:
 Qui ut signa stabant, sculptaq; marmora

Illum

Illum videntes, luminaq; humili,
 Nos Orphanos heu cui relinquis
 Atq; iterum, atq; iterum gementes?
 Et dum stupentes suspiciunt eum
 Illos steterunt pone duo viri,
 Qui veste amicti candicanti
 Talia sunt subito locuti:
 Quid Galilaei statis in aureum
 Caelum videntes? hic modò iam Polos
 Scandens IESVS, morem in illum
 Quem petit aethereos penates,
 Descendet illinc rursus, at in throno
 Celso tremendus, tempore quo tuba
 Clangore cunctos excitabit
 Exanimes tumultis ab altis.
 Hac fati in auras sunt citò stridulas
 Elapsi, at aethrae moenia flammea
 Orco triumphato petebat
 CHRISTVS agens acies parentum.
 Ut Laureati limina Martiae
 Romae introibant belligeri duces
 Olim, secures, atque captas
 Cum clypeis galeas ferentes:
 Currusque, cristasque, & spolia omnia;
 Et fortè ciues vertice pileos
 Raso gerentes, ac triumphum
 Grato, hilariq; animo sequentes.
 Sic ille pandens mundi ab origine

M Clau-


MVTII SFORTIÆ

Clausas Olympi, crimine, ianuas:
 Et liberos ciues, & amplas
 Exuias, proceres beatos
 Ex hoste duxit splendidus, atque ouans.
 Quis qua chorea, quantaque gaudia,
 Illicque qui amplexus, & hymni
 Qui fuerint memorare possit?
 Deum celebrant cantibus Angeli.
 Sedes inanes nanque homines vident
 Complere, tractos è voracis
 Faucibus, ingluuieque Auerni.
 Gaudent beata contra anima; tenent
 Quod summa cali culmina, quæ diu
 Desiderarant: ut procellas
 Post rabidas, stabili potitus
 Tellure nantes. Sedit ad arduam
 Dextram Tonantis filius, ordine
 Omnes iubens sudore digna
 Præterito loca possidere.
 Vos nunc supernas qui colitis domos
 CHRISTVM secuti, syderei Patres
 Quæso, ut rogetis, vester istic
 Quò socius pictate fiam.
 Tuque, ò salutis unica spes meæ,
 Qui hac luce scandis sydera, gloriam
 Da me tuos inter ministros
 Cernere perpetuò micantem.
 Amen.

IN

IN SACRATISSIMA PENTECOSTE

O D E. XI.



NON altus è cyrrha, vel è Cynthiugo
Mihi vocandus Delius.
Nec rupibus Pindi, inclytisue Thespūs
Iouis cienda filia.
Sed tu profundas qui ferebaris super

Aquas in orbe condito,
Et ora soluisti prophetarum loquens
Non omnibus mysteria
O Sancte Spiritus, creator optime
Cælique, terræque, & maris,
Qui ex Patre, Filioque procedens Deus
Par ijs adoraris simul,
Mone, & tuo inspirans refer uati, aureus
Ut ignis in flammantibus
Linguis super sacros IESV Apostolos
Promissus his, descenderis.
Atque ut per illos sis locutus omnium
Linguis, ut omnes uerteres
Fidem ad triumphantem: uiasque ostenderis
Quies ad Polos attollimur.
IAM CHRISTVS astra uictor, & secum Patrum
Ducens caternas, scanderat.
Cum, sole iam bis quinquies sub Tethyos

M 2 Ablu-

M V T I I S F O R T I Æ

Abluto Iberæ fluctibus,
 Sui memor promissi ab altioribus
 Cælis, ad illos spiritum
 Emisit alnum, ut præditi scientia
 Sermonis, ac ut feruidi
 Amore, nominis sui præconia
 Quocunque ferrent, gentium:
 Loco qui in uno congregati cum simul
 Omnes forent, interque eos
 Splenderet, inter ut minora Sydera
 Luna, alma virgo candida.
 Sonus repente factus est ab æthere
 Ut decidentis spiritus
 Visantis acri, quo velut tonitruo
 Concussa sunt tecta, & trabes.
 Domum replevit qui frementi turbine
 Ubi ii sedebant territi.
 Tum protinus totos penates emicans,
 Flammis crepans ingentibus
 Elambit ignis, & nitenti lumine
 Lustravit illos undique.
 Candenti ut ex ferro fabri sub malleo
 Hinc, inde strictura emicant:
 Sic ille linguas diuidens in plurimas
 Se se, nitore flammeas:
 Hac in figura singulos superstetis
 Ilorum in alto vertice.
 Qui tum repleti Spiritu Sancto, loqui

Ca

Cæpère linguis gentium
Cunctarum, ut ille doctor ingens cælitus
Donabat ipsis farier.
Fortè incolebant nobilem Metropolim
Iudæa iniquæ ab omnibus
Plagis, Olympo quæ per amplo subiacent
Tum nationes cognita.
Qui Gnosson, Idaumq; , Cretamq; Urbibus
Centum superbam possident.
Terrasque Pontus quas strepenti murmure
Ad latrat ingens, qui tenent.
Aspro rigentem quique Mæotin gelu
Frangunt securi barbara.
Et qui, Cyrenæ, fertiles, àc uberes
Tuos aratris eruunt
Campos, & Ammonis per altum oraculum
Tractus arenæ cursitant.
Nec non qui ab hortis decutit celebribus
Ac fabulosis aurea
Tot mala; Arabsque qui beatus incolit
Sylvas odore nobiles.
Vndisque circum murmurans gommantibus
Aequor rubrum quos alluit.
Quibusq; celso desuper cacumine
Impendet ingens Casius,
Qui noctis hora nona ab Hemispherio
Adhinnientes altero
Phæbi iugales spectat, inter nubila

Sic

MVTII SFORTIÆ

Sic condit altum verticem.
Suisque multi nominis Taurus iugis
Quos ambit, atque amplectitur.
Vber nitenti quique findunt vomere
Solum, atque glebas Asias.
Quosque hinc sagitta Tygris ingens ocyor
Suo coercet flumine.
Hinc magnus Euphrates, & illorum solum
Circum fluunt, ut insulam.
Palmis, Idume, & qui tuis sub arduis
Edunt legentes dactylos.
Iordanis atque notioris Tybride
Qui potat undas vitreas.
Solusque Balsama excipit sudantia
Diues beato munere.
Portas Amani & qui iacent ad inclyti:
Et quos Lycus præter fluit.
Cilixque Isaura qui tuetur mænia,
Crocumque spectat Coryci.
Quos alluitque lucido amne Eurymedon;
Et qui Phaselin incolunt.
Pamphylia & agros qui feraces impigris
Tauris arantes edomant.
Quem lambit Halis, cuique celsus imminet
Argæus, atque Cappadox.
Et qui canentes audiunt in herbidis
Ripis olores dulciter
Tuis, Cayster, tortuosis flexibus

Maan-

Maander & quos attonat .
Latusq; Sigeum videntes , & Chys
Plorata Musis Pergama .
Qui Media iuga , aureamq; Ecbatanam ,
Quique asperam Carmaniam
Colunt ; bibitque perfidus qui Barbari
Vndas Araxis deuias :
Sonans pharetra , arcuq; formidabilis
Victorque Parthus in fuga .
Gentesq; , nascens quas benigna respicit
Aurora primo lumine .
Nigri Minai , thuris altaque arbore
Multa Sabai diuites .
Proculque spirantes Atramita hauriunt
Qui sic odoras insulas .
Atq; Elamita quos Eois fluctibus
Circum strepens Mare alluit .
Orbisque victor , & tremendus deniq;
Qui complet alta mœnia
Superba regnatricis urbium omnium
ROMAE triumphis inclytæ .
Hi nuntium exciti hunc ad incredibilem
Venere conferto agmine
Illo , simulq; mente confusi è graui
Stupore tum sunt protinus .
Nanque audiebat quisq; lingua territus
Illos loquentes propria .
Interque sese mustitantes murmure

De

MVTII SFORTIÆ

Dixere rauco talia :
 Hi non nè Galilæi erant , & quomodo
 Nostris eos sermonibus
 Audimus , (an præstigiōse fallimur ,)
 Fantes Dei magnalia ?
 Quid nam sibi hoc uult ? sed putabat plurima
 Illos ad uncis naribus
 Caterna suspendens , mero plenos simul
 Esse , & Lyæi numine .
 Surrexit at stans Petrus , & iis asserit
 Plenos loqui se Spiritu
 Sancto , idque dudum iam futurum prouidos
 Cantasse uates approbat .
 CHRISTVM q̃ surrexisse verè ab inferis
 Testante Dauid , indicat .
 Quis corda uerbis his pupugit intima
 Acti reatus conscia .
 Sunt , unde , sacro tincta eorum millia
 Ter , luce in illa , flumine ;
 Quod nec tonitruis suis Demosthenes ,
 Tortis nec eloquentia
 Fulminibus unquam ui graui ruentibus
 Fecisset ; oreque arduo .
 Nec ille Romanæ parens facundia
 Princeps , & author Tullius .
 Ut deferentes dogma fidei antiquius
 In Crucifixum crederent .
 Piscator indoctus , madensque è retibus

Per-

Persuadet, alme spiritus,
 Tua per illos concitante gratia;
 Quos congregatos omine
 Quodam, suis linguis eodem tempore
 Tot nationes alloqui
 Fecisti; in omnes exiurus scilicet
 Terras, sinusque in ultimos
 Oceani, eorum quod foret cunctis sonus
 Ex audiendus gentibus.
 Quem deprecor flens, ut velut mirabilis
 Ignis benigna flumina
 Fudisti in illos; tu mihi sic calitus
 Mittas superna gratia
 Radium: tenebras vilis ignorantia
 Qui candicanti lumine
 Ex corde pellat: & calore feruido
 Rumpat rigentem pectoris
 Glaciem, reflectens se de hinc Titania
 In astra, me non deserat
 Vnquam; ut renidentem usque ab omni crimine,
 Virtutibusque fulgidum
 Trahat, fauillis prae micans nitentibus
 Aeterna supra sydera,
 Regnans Deus cum Patre, ubi, atque Filio
 Per cuncta uiuis secula.
 Amen.

N IN

MVTII SFORTIÆ
IN DIE SANCTISSIMÆ TRINITATIS.

O D E XII.



*V*M summus, ut nos liberaret inuido
Ab hoste, prolem sæcula antè splendidam
Suam, gignente semper, altoq; è sinu
Terras ad ingratas, genusq; incredulum,
In fine temporum genitor emisit,
Qui torquet astra; quique verbo condidit
Cælumq; , terrasq; , aquor & circum vagum
Et Filius carne integra de Virgine
Assumpta, homoq; cum voluntatem Patris
Agens, Crucemq; , asprasque plagas, spū aque,
Clauos, flagella, vincla, mortem denique
Perpeffus, & sepultus exurrexerit
Viuens ab Inferis, triumphansque agmina
Captiua ducens, astra iam conscenderit.
Cumque ex Parente missus, atque è Filio
Apostolis descenderit sub igneis
Linguis Paracletusque, & almus Spiritus.
Vt terminatis omnibus mysteriis
De Trinitate, quæ Prophetæ dixerant
Dudum ante, nostra pro salute iam fore
Merito celebrant hac in illustrissima
Hos, luce, solennes verendo nomini
Tua potentia, tibiq; proprios
Gentes, honores, ò beata Trinitas.

Licet

*Licet dierum se rotante circulo
In orbis alma luce septenarii
Prima, celebrent, concinantque dulciter
Semper tibi hymnos, ante cuncta tempora
Mundum regens qui es unus, ac trinus Deus.*

D V M nanque sese noscit, atque intelligit
Parens, profunda è mente gignit Filium,
Verbum parentis, quique imago est illius
Aequalis, eiusdemque, ut is, substantia,
Lucis peremmis candor inuisibilis,
Nec non paterna splendor almus gloria:
Ut radius orbe lucidus de lampadis
Phœbæ inardens: lumen & de lumine,
Verus Deus simulque vero de Deo.
Hunc donec in se noscit, atque concipit,
Aeterno amore victus ipsum diligit
Pater, vicissim Filius quem noscitans
Ingenti inardens charitate amplectitur.
Vnde ambo spirant sic amorem mutuum
Qui fertur almus, atque sanctus Spiritus,
Deique digitus, atque munus dicitur,
Ex Patre qui procedit, atque Filio,
Aequalis illis, omniumque conditor.

*Et cum relatione sit pluralitas
Diuersa personarum, & aqua, non tamen
Dii tres: Deus sed unus, una essentia est,
Mundum regit qui continens, & temperat.
Vnde in throno illi confidenti altissimo*

N 2 *Alis*

M V T I I S F O R T I Æ

Alis decora sex beata Seraphim.
Cum Sanctus, atque Sanctus, atque Sanctus, hoc
Ter ingeminauerint modo, post concinunt
Merito, Dominus, Deusque fortis Sabahot.
Quare, ò creatrix, inque diuisibilis,
Vnita, sed distincta, Sancta Trinitas,
De te tenemus, sique rectè credimus
Quod docuit olim proprio nos Filius
Ore, atque sancto illuminati Spiritu
Scripsere Patres. (Nam quis inscrutabilem,
Immensam, & infinitam, & extrà mœnia
Atque orbis intra, te: nec intus, nec foris
Clausam, vel exclusam, ast ubique denique
Totam, replentem cuncta magno numine,
Mente queat humana vel amplex arier
Vnquam, suis ve sensibus comprehendere,
Numeri sub hac distinctione maxime?
Formam suæ cum penitus vlla indagine
Animæ nequeat, demumque se se noscere?)
Veni obsecro, mihi que cordis ostium
Pulsâ manu inspirationis intimæ.
Ut pectus aperiens tibi, sit candidum
Templum, tuoque dedicatum numini.
Potens Pater largire fortitudinem,
Vt carnis, atque mundi, & hostis praelia
Tuam quæcum per gratiam contundere.
Tuque ò Parentis, Nate, summa gloria
Sapientiam da, qua vitia discernere,

Ra

CARM. SAC. LIB. I. 51

Rectaque possim tendere ad caelestia .
 Tuque, ò superni Amoris ardens halitus ,
 Vinculumque dulce , Sancte , & alme Spiritus ,
 Spirans beatum flamen in praeordijs
 Accende nostris charitatis igneas
 Flammas , precamur ; huius ut de vinculis
 Mundi expeditus , Trine , te cognoscere
 Deus , queam : àc intelligendo diligam :
 Et diligendo indefinenter perfruar
 Post obitum in excelsis tuis stellantibus
 Regnis , ubi te , per speculum in anigmate
 Quem nunc uidemus , tunc tua in substantia
 Facie ad faciem , uelutque es , inspectabimus .
 Deo parenti ingenito , & eius Filio ,
 Et utriusque Sancto , & almo Spiritu
 Sit laus , honorque , trina , & una gloria
 Per cuncta semper seculorum secula .

Amen .



IN

M V T I I S F O R T I Æ
IN SACRVM ROSARIVM BEATAE
MARIAE SEMPER VIRGINIS.



ER quinas, has, virgo, Rosas tibi dedico,
quas non
Aestas exurit, nec fera mordet hyems.
Bissena, has, inter fulgentia sydera, circum
Flauentes crines serpere, Diua, sine.
Et face ut hoc quisquis cinget sua colla monili,
Mutet & hoc fragrans munus odore tibi:
Cum terris cedit, per amœna Rosaria cœli
Agnus ubi pascit candidus ille tuus)
Ponè sequens ludat, tibi canaque Lilia spargat,
Te celebrans hymnis, te decoransque Rosis.

MYSTERIA GAUDIOSA.

O D E XIII.



VNTIVS cœlo uenit ad MARIAM
Quam Dei flamen volitans obumbrat,
Concipit virgo, superùmque Regem
Gestat in aluo.
Hinc Ioannis tremulos parentes
Visit, atque illi canit alta vates;
Et canit contrà celebrans Tonantem
Laudibus ipsa.
Dumque diuertit Bethlemite ad antrum
En Deum virgo parit. en adorant

Per

*Peruigil custos gregis, atque Eoi
 Munere Reges.
 Siftit ad templum patris, alma, natum;
 Precinit ferrum fore quem sacerdos
 Quod penetraret genitricis alto
 Vulnere pectus.
 Filium querit lachrymosa mater
 Dum sacra templum petit urbis, atque
 Inuenit cana in medio ceterua
 Magna docentem.*

MYSTERIA DOLOROSA.

ODE XIII.



*ST ubi Mortis propè venit hora
 CHRISTE, dum patrem rogitas in
 horto,
 Sanguinem sudas; roseoque tellus
 Rore madescit.
 Inde te vinctum gelidæ columna
 Cedit ad mortem ualidis flagellis
 Liçtor, at corpus tenerum crûoris
 Flumine manat.
 Tum caput sacrum rigida corona
 Sentibus texta redimitur, atque
 Milites dantes calamum, salutans
 Nomine Regis.
 Hinc Crucem gestans humeris, ad urbis
 La-*

M V T I I S F O R T I Æ

*Laberis portas : genitrixque cernens
Talia , ex anguis cadit , heu peracti
Fixa dolore .*

*Montis infamis superans cacumen
Stipitem scandis : manibusque fixus
Ætherem pandis , redimisque sacro
Sanguine mundum .*

M Y S T E R I A G L O R I O S A .

O D E . X V .



*I V V S at surgens spoliās Auernum
Tertia luce , & rediens triumphas
Tartaro presso , miseraque matri
Fulgidus astas :*

*Hinc iò ducens acies parentum
Victor ascendis super astra , pura
Nube subuectus , residesque dextram
Patris ad altam .*

*Intonat celi veniens ab arce
Spiritus Sanctus , radiansque linguis
Igneis , C H R I S T I timidos alumnos
Propulit vltro .*

*Euolat tandem choreis Olympi
Septa , tum carnis spolio refulgens
Diva sub cælos , genitrixque natum
Lata reuifit .*


Postque dannatos Erebi profundo

Inter

*Inter excelsas choreas canentes
Gloria trini rutila fruemur
Omne per ævum.*

IN ASSUMPTIONE BEATAE
MARIAE VIRGINIS.

O D E. XVI.



*V M tuas sacras vigilant ad aras
Cateri, & castis lachrymis euntem
Te super calos, comitantur, atque
Munera poscunt.*

*Nos tibi fixis oculis sub astra
Ad lyram dulces meditamur hymnos*

*Calites inter strepat ut canentes
Nostra Camena.*

*Hispidas inter velut orta spinas
Candida exurgit Rosa, sic & ipsa
Inter Hebraeos oriens, Olympo
Spargis odorem.*

*Virgo, inaccessum, validumque castrum,
Fulgurans armis, solidumque muris,
In quod ingressus requieuit infans
Conditor orbis.*

*Undeque egressus puer, atque inermis
Fudit armatum Crucifixus hostem:
Vinxit, & latis spolijs onustus*

O Aethera

MVTII SFORTIÆ

Aethera scandit.

Quæ quod in terris humilis iaceres :

Nec satis dire veneranda genti,

Nota ceu paucis pretiosa gemma

Squalet arena.

Intulit, celo veniens, suis te

Diva, thesauris, genitus, supernis,

In quibus fulgens veluti Pyropus

Obruis omnes.

IN ASSUMPTIONE EIVSDEM BEATÆ VIRGINIS.

O D E XVII.



Cæli decus, ò Dea,

Quæ fulgens spolio corporis hoc die

Scandisti super aethera

Alis calicolum fulta frequentibus :

Nunc ne despice, quæsimus,

Lusum, quem vigilans murmurat en tibi

Per nocturna silentia

Nostra afflata tuo numine Pieris.

Corpus, membraque candida

Tellus læta tibi contulit : at Mare

Nomen, corde vocantibus

Te, dulci Ambrosia dulcius indidit.

In sudit Polus undique

Effulgentem animam Sole nitentius.


Ac

Ætatem sed ubi tuam
Bis quina accelerans clausit Olympias.
Tellus, æther, & æquora
Magnis ante Deum vocibus infremunt:
Ex ipsoque precantia
Pro se, quodque Deam te sibi postulant.
Ast æquissimus omnium
Partem cuiq; suam Rex pater annuit:
Corpus debile dans humo:
Et Stellis animam; nomen & æquori.
Tum tellus, Mareque horridum
Orant: Quin potius regnet ut integra,
Et sedes magis hanc decet
Qua præsens radias lumine tu magis.
Cæli vertice in aureo
Mundum despiciens iura det omnibus.
Magnus Virginis, & Dei
Natus, tum superis imperat ocys,
Ex illis sua quo parens
Ad Stellas redeat vecta per aëra.
Cælis, haud mora, deuolant,
Infundunt animam, puluereque excitant:
Et claram super ætheris
Culmen, dulcisonis laudibus euehant.
Venit filius obuiam
Blandeque excipiens collocat in throno
Stellanti, propè dexteram.
Atque hinc trina Deam machina te colit.

M V T I I S F O R T I Æ

*Nam tu, mater ut optima,
Præbes cuique tuas inclyta gratias.
Ex te munera sentiunt
Terra, flaua Ceres, almaq; faustitas.
Tu mulces maris impetum,
Tu ventos cohibes, Iunoq; temperas.
Tempestatibus asperis
Tu Castor geminus, Stellaq; prauia.
Tu cæli decus aureum,
Sol, Iris varians, Cynthia, Phosphorus.*





MVTII SFORTIÆ
CARMINVM SACRORVM
LIBER SECVNDVS.

AD ILLVST.^{MVM,} ET REVEREN.^{MVM,}
FRANCISCVM
SFORTIAM
S. R. E.

CARDINALEM AMPLISSIMVM.

ODE. I.



*II S charus ille est ; Dÿ super athera
Hunc euocarunt , vt simul in Iouis
Mensa recumbens sempiternum
Purpureo bibat ore Nectar .
Has qui caducas res animo arduo ,
Mundumq ; temnens se velut Hostiam
Viuam , Deum regi placentem*

Dedicat , à tenerisq ; sacrat .

Qua

MVTII SFORTIÆ

Qua mente celsa, qua sapientia
Ornatus ergo tu, puer inclyte,
Fulges perenni quàm laude dignus:
Quemq; ferant super asira Musa?
Qui transeuntes despiciens opes
Prima in iuuenta, regnaq; ditia
FRANCISC E, primus, iustus haeres,
Ac veteres, titulosq; claros;
Ad regna cœli, ad sceptrâ perennia, ad
Gazas anhelans perpetuas, Deo
Te consecrasti, luce tactus
Aetherea, superòque ab igne.
Non educandi nunc tibi liberi:
Non flenda eorum tristia funera.
Morosa non uxor superba
Est grauius toleranda curis.
Tentanda non sunt impia praelia;
Non seruiendum Regibus asperis,
Non dextera humano cruore
Contaminanda tibi feroci,
Dum Martis ardore in medio impiger
Dux, siue miles: seu pedes, aut eques
Hostem laceffis, vulnerasque:
Ac spolia ampla referre tendis.
At contrâ honores quos tulit, & bona
Tibi, ista crines Purpura qua tegit?
Quantoque curarum tumultu,
Turbineque eripuit sonanti?

Ista

Ista renidens Sydere pulcrior

Astas gerenti, proximus, hic vices

Tonantis, unâ præsidentisque

Imperijs moderaris orbem;

Inter Senatum purpureum nitens

Flava inuenta floridus, aurea

Astra inter, ut perfusus unda

Lucifer Oceani refulget.

Atqui decebat ut domus hæc daret

Qui illic micarent; uidit ut antea

Hoc acrem Alexandrum, hoc & Oïstro

Ascanios geminos decoros.

Quos emulari tu patruos nepos

Factisque debes uincere fortibus.

Maiora quis scit si Tonantis

Prouida mens tibi preparauit?

Atque ad supremum te solium euehat,

Maternus olim quod tuus ille auus

Paulus decus Farnesiorum

Scandit, ouans triplici Thiara?

Aeterniores at sapientior

Aspecta honores. Sydera scandere

Contende Sacratamque frontem

Cingere stellæ fera corona.

Sedes ibi astris clara micantibus

Te sustinebit; uictis & ambiet,

Cui luce Sol cedat, sororque,

Haud puridis uariata gemmis.


Inter-

M V T I I S F O R T I Æ

*Interq; Diuos non modò Pontifex,
Sed Diuus aspra Morte carens, Deo
Semper fruèris, audiesq;
Cælicolùm modulos perennes.*

^{MVM} AD ILLVST. ET REVEREND. ^{MVM}
HIERONYMV M RVSTICVCCIV M
S. R. E.
CARDINALEM AMPLISSIMV M.

O D E. II.



*MAXIMA Laus certè est, à laude insi-
gnibus alta
Principibusq; viris super athram
Laudibus efferri. Quare quis mutus, &
infans
Non cælo te laudibus aquet,
Si duo Pontifices summi, tripliciq; Tiara
Ornati, super astra tulerunt
Laudibus æternis te, laudum & testibus actis,
Qua superant præconia cuncta?
Nam Quintus Pius ille ingens, ille horror Eoi
Orbis, Turcarumq; flagellum
(Heroo cuius cantantem carmine laudes
Tu nostrum, pater optime, Tybrim
Accipe, te curis furans mordacibus, inter
Cæruleos, vaga numina, Diuos)*

Te

Te tot præclaris spectans virtutibus aptum ,
 Vt meritum laudauit , & ostro
 Laudis vt eximia, & virtutum teste perenni
 Præcinxit tibi tempora sacro .
 Purpureosq; inter procures discumbere fecit ,
 Et sancto fulgere Senatu .
 At Xistus Quintus, qui nunc moderatur habenas
 Terrarum, cui sydera parent ,
 Ille Pii Quinii sectator, & æmulus idem
 Virtutes , HIERONYME, claras
 Miratus, moresq; tuos, quibus extulit illos
 Encomiis ? quo euexit honore ?
 Cuncta arcana tibi, magna & penetralia mentis
 Credidit, in te teque recumbit .
 O vtinam posses hunc sancta laceffere ad arma
 Consiliis, monituque salubri .
 Aemulus vt Quinii Quintus nunc pectora Regum
 Excitet, atque inflammet in hostes
 Odrysios, trudent vt nunc sub Caspia claustra,
 Affectos iam clade suprema .
 Quando quidem Persæ cadunt victricibus armis ,
 Hosque urgent modo Marte secundo .
 Quid nunc Christicolæ, quid nunc Europa morantur ?
 Altera quando occasio surget ?
 Illud si pectus tali succenderis igne,
 Quot Dinos aquaueris ipse ,
 Talia qui magnos dictis Heroas ad arma ,
 Ad tam clara trophæa uocarunt ?

P Vt-

M V T I I S F O R T I Æ


*Vtque tuum nomen, geminis ceu Pegasus alis,
Perq; orbem, perq; ora volabit
Scriptorum pennis? at post modò Spiritus inter
Cælicolas, rutilasq; phalanges
Pennifer ut sonipes superos intermicat ignes,
Aeterno splendore nitebit?*

M V M,

M V M,

AD ILLVST. ET EXCELLENT.
MARIVM SFORTIAM.

O D E. III.



*ARMIS cruentis, atque laboribus,
Clarisq; factis Magnanimi Duces
In sæcla multa famam, & ingens
Hic sibi iam peperere nomen.
Plus Gloriam, quàm regnauè ditia,
Vrbesuè amantes. intulit hinc nigris
Indis remotis bella Liber,
Victor & hos superauit armis.
Purgauit orbem fortior Hercules
Monstris nefandis: illius asperos
Surgensq; Titan, occidensq;
Vidit & obstupuit labores.
Prima carina findere cæcula, &
Adire Colchos fecit Iasona.
Non aureum vellus, sed ardens
Gloria, quæ iuuenem excitabat.*

Nepo-

*Nepotem Amyntha misit & hac graues
In Persas olim, mille periculis
Ire obuiam, atque omnes Eoos
Vincere, & omnem Asiam coegit.*

*Hac & Latinos impulit, & Duces
Ad bella Graios, dum spolia aurea,
Clarosq; promittit triumphos,
Ac celebre, & sine fine nomen.*

*Hos tu sequutus, laudeq; pectora
Percussus, illos tu quoq; fortibus
Contendis actis amulari,
Parque decus tibi quaris armis.*

*Dum siue Celtas fulmen ut igneum
MARI, rebelles sternis, & impios;
Ut barbaros, saeuosq; letho
Tunc Marius dedit ille Cimbros.*

*Agnati Hetrusci seu Ducis agmina,
Turmasue ducens Pontificum, geris
Bella, acer ut Dux, S FORTI AEq;
Nobilis, ac generosus haeres.*

*Inspecta cuius praedita Laurea,
Ac torua imago belligerum Ducem
Te sola fecit, Martiali
Vique tuum iecur excitauit.*

*Et iure. Nam quis fortior induit
Illo arma? quis nam tot spolia hostibus
Sic abstulit? de Regibusq;
Rettulit exuias opimas?*

P 2

Duce

M V T I I S F O R T I Æ

Duce effugato protinus extero
 Antiqua belli gloria reddita
 Tibi per hunc certè est, decusque,
 Italia, hostibus horror olim.
 Quantumq; debes tu quoq; S F O R T I Æ
 O Roma rerum iam caput, improbo
 Huius per arma erepta ab hoste,
 Qui uacuam citus occuparat.
 Vexilla testes sunt sacra, Pontifex
 Quæ gratus illi tradidit, ut suis
 Præfecit armis, gentibusque,
 Ac data munera plura, & vrbes.
 Sensere Reges iam gemini, Italus,
 Nec non Iberus fortia S F O R T I Æ
 Quid arma possint, terga dantes
 Cum subito erubuere victi.
 Regina perque hunc libera maximas
 Donauit vrbes. Hercule dextero,
 Signisque collatis, ut ille,
 Non alius ita dimicauit.
 Cedant Latini, & Graiugene Duces
 Huic, nanq; magni viribus imperi
 Hi publicis freti triumphos
 Rettulerunt, domuere gentes.
 Ast ille solus consilio, & manu
 Præstans tremenda, Marte suo impiger
 Tot regna cæpit, fudit hostes,
 Rettulit innumerasq; Palmas.

Pro-

*Prolemque liquit, quæ similis Patri
Magnorum habenas flecteret aureas
Regnorum, obumbret quam Senatus
Purpura, Militiaq; Laurus.*

MVM, MVM,
AD ILLVST. ET EXCELLENT.
PAVLVM SFORTIAM,
PORSENÆ MARCHIONEM,
O D E. IIII.



*V*IDIT ut Hispanis in Gadibus Hercu-
lis altum
Ad templum Alexandri ferocem imagi-
nem,
Ingemuit Caesar, quod nil ætate sub illa
Sibi esset actum laude dignum maxima.
At eontrà Persas ille edomuiſſet, & Indos,
Orbisq; Eoi fræna lata flecteret.
Sic atai tu stemma tui, qui ingentibus actis
Terras replenit Italas, atque exteras,
Atque suæ soboli decus immortale reliquit,
Dum, PAVLE, cernis, amulari eniteris.
In Gallos ergo, velut Enceladi, atque Typhæi
Qui arma in Tonantem, calitesq; sumpserant,
Præsides ab excelsis, rerum cui summa potestas,
Cum Fratre missus quanta fundis agmina?
Non ita terrigenas stravit Tyrrhæus arcu,

V.

MVTII SFORTIÆ

Vt illa monstra conficis tu barbara .
Pergama non Troia sic armis inclytus Hector ,
Non Manlius defendit arcem Romulam ;
Ut tu propugnans sauo tutaris ab hoste
Urbes fideles Regias , quæ præsidet .
Testes Cælia omnes , testis tibi Ghisius Heros ;
Qui præliantem vidit alta ad menia .
At qualis ducens peditumque , equitumque cateruas
Fratrique iunctus seua bella gesseris
Collatis signis , quot tunc demiseris Orco
Umbras rebelles , debitasque Tartaro ,
Andegauensis Dux testis , Regia proles ,
Qui tum regebat Imperator Copias .
Testis & armatus Gallorum exercitus omnis ,
Ex quo quis admiratus infit talia ,
Romani sic bella gerunt ; ita Caesar & ipse
Nostros parentes vulnerabat impiger .
Testis & à quinto spectans vos , SFORTIA , calo
Iuxta Graduum confidens aheneis
Armis terribilem , rapuit qui protinus illum
Vndis Aterni , Olympi & astris intulit .
Sic & Tyndaridas fratres spectabat ab alto
Cum dimicarent , corde gaudens Iuppiter .
Atque inquit : Mihi Scipiades , mihi Caesar , & ille
Nepos Amynthæ , omnesque cedant Principes .
Non etenim me prole virum felicior alter .
Franciscus en me vicit , ille Insubribus
Qui Dux iura dedit , ceu Pelea vicit Achilles .

Et

*Et bellica nunc gloria vos tenditis
Me, mea progenies, superare & fortibus actis;
Sed his ab æmulis inuat me uincier.
Strenua nec tantum manus est tibi, PAVLE, sed alta
Prudentia, vique ingeniscis uincere.
Hinc Hispanorum voluit Rex prouidus, ut tu
Belli in tumultu consulas Neapoli.
Rebus & in dubijs des certa Oracula regno.
Sic vos nepotes laude uincant bellica.
Eq; domo nostra nunquam sacra purpura, nunquam
Desint triumphis, non Corona, & Laureæ.*

MVM,

AD ILLVSTREM, ET REVER.
FRANCISCVM MARIAM
S F O R T I A M

Episcopum Conuersanensem Fratrem.

O D E. V.



*DESCENDIT athra uertice ab aureo
Regnator orbis, corpus & induit
Proles Tonantis, perq; terras
Factus homo, Deus ambulauit.
Ut nos doceret quæ uia sydera
Ad celsa ducat. clauserat hanc prius
Versutus, antiquusq; serpens
Ille, Polos quatiens tumultu.
Quæ uerò Auernum ducit ad Inferum*


Pandit,

MVTII SFORTIÆ

Pandit, perornans floribus, & Roris.
 Hic mente captos heu Voluptas
 Decipit, atque trahit sub Orcum
 At ò beatum cui via carpitur
 Illa arcta, & aspra, atque ardua, quam Deus
 Ostendit, & fuso reclusit
 Sanguine, quam Labor, atque Sudor
 Sternunt: obumbrant certa q; premia.
 Illuminatus tu puer hanc videns,
 Ingressus hac, optas anhelus
 Prendere sydereos penates.
 Incedis atque hac tam levis, ac celer,
 Atque ex peditus, Pastor ut omnium
 Mandarit ut post te superno hoc
 Tramite Pastor oues, & Agnos
 Agas tenellos. impiger hoc onus
 Subis, sacrata temporaque infula
 Euinctus, & virga tremendus
 Hos agis, ingrederisque primus.
 Nucumque ad umbram, siue Cupressuum,
 Quandoque cogis Thura sub Appula,
 Et personans septem cicutis,
 Hos recreas, hilarasque cantu.
 Nunc ferro, & igni putrida vulnera
 FRANCISCÆ, curas, nunc bona pascua
 Ostendis, atque ad pura ducis
 Flumina, iter reserasque Olympi.
 Nunc & Luporum de rabie truci,

Nunc

Nunc Viperarum morsibus eruis,
 Testes nefandæ, illaque Sagæ
 Terribiles, quibus ipsa Circe,
 Medea, Erichtho, & Thessala qualibet
 Cedebat; atræ sic Furia velut
 Manes ciebant, Inferisque
 Dijs, socijs velut, & maritis
 Inferniebant. fulmine iam tuæ
 Sententiæ ictas Mulciber has ferox
 Amplexus expurgavit ultor,
 Atque greges citus expiauit.
 Sic Ezechias, sic puer inclytus
 Olim Iosias talia substulit
 Portenta, adorarique verum
 Ille Deum, Dominumque iussit.
 Qua propter Agnus crimina qui lauat
 Peccantis orbis, te super ætheris
 Campos, renidentesq; fontes,
 Vnde Salus fluit, atque vita,
 Expectat, ut det maxima premia,
 Textasq; clarescere Laureas.
 Interque Pastores reponat
 Quos geminus veneratur Orbis.



Q AD

MVTII SFORTIÆ

AD MVSAS.

ODE. VI.



*L*AM musa adestis, nocteque in horrida,
 Mundo silenti, vel fide Teia,
 Vel Lesbia, canoros
 Iam resonare modos paratis.
 Sed quem efferetis versibus ad Polos
 Herda? quæ nam Monstra locabimur
 Inter Deos, dum cogitatis
 Munera magna referre ab istis?
 Aegyptus olim capeq;, & allia,
 Canemq;, & Ibin, cornigerum & bouem,
 Et belluas tot Nili adorans,
 Numina ceu coluit, Deosq;.
 Portenta sed vos maxima, fædaque
 Iam mille culpis, sydera ad aurea
 Mendacijs mille extulistis:
 Illaque Semideos vocastis.
 At horum ab auro, & diuite copia
 Misella, egenæ dicite Virgines
 Quod pondus auri, quæ talenta,
 Quantaque munera rettulistis?
 Casi heu labores, vanaque carmina
 Quid profuistis? Monstra sub Inferis
 Ergo sinamus, atque Lethes
 Fluminibus reticenda mergi.

Cur

Cur mentiemur ? cur vigilabimus ,
Volent per ora ut scilicet omnium
Indigna , famaꝑ; illa uiuant
Carminibus celebrata nostris ?
Lati at canamus qui rotat ethera ;
Qui nos creauit : qui regit omnia ;
Qui pascit hic nos, quiꝑ; fuso
Sanguine nos proprio redemit.
Qui nos ad illas aethereas vocat
Sedes, ut illic omnia secula
Viuiamus ut Dii; ipsiꝑ; grates
Perpetuas , hilares agamus .
Voce hunc perenni cœlicolũ agmina
Trinumꝑue , & unum concelebrant , & hunc
Omnes canunt gentes per orbem :
Huncꝑ; modis coluisse gaudent .
Hunc astra laudant , Lunaꝑue candida ,
Phœbusꝑue fulgens , omneꝑ; concinit
Cœlum ; hunc ut authorem æquor altum
Prædicat , hunc celebratꝑue terra .



MVTII SFORTIÆ
AD ILLVSTRISSIMVM,
ET EXCELLENTISS. CÆSAREM
COSTVM ARCHIEPISCOPVM
CAPVANVM, ET PONTIFICIS.

LEGATVM VENETIIS.

ODE VII:



QVID clara virtus possit, ad athera
Per quos honores, ac placitos gradus
Extollat inuictos alumnos,
Ipse doces, venerande Caesar.
Nam iuris ut te sancta scientia,
Et ceteræ artes, quas puer imbibis
Desideratas, iam perornant:
Moribus enituitque vita
Intaminatis. nec bona denegat
Facundia arma, at candida suppetit
Vires suas, atque explicandi
Mentis opes tibi verba præstat.
Roma auspicato tu pede mœnia
Intras. Vbi illic maximus aspicit
Te Pontifex, istis coruscum
Dotibus, eximiisq; donis;
Intelligentem præficit arduo
Te muneri, quo distribuis bona
Ecclesiæ. at alter celsiori

Sede

*Sede locat, meritumq; Mitra
Te cingit alta .pulchrior infulis
Hinc pascis Urbem, quàm Capys Ilio
Extruxit euerso, docensq;ue,
Ac faciens populos gubernas.
Qui verò Petri nunc solium tenet
Summus sacerdos ad Venetum auream
Legauit Urbem, qui sacrasq;
Res videas, referasq; Roma.
Hic comitate, et moribus integris
Deuincis omnes. Quis tibi purpuram
Non asserat? quis non tuis dat
Temporibus Tyrium Galerum?
Iam, iam refulgens Pontificis manus
Contemplor Ostrum, quod meritas comas
Aduolet, ac te inter micantem
Purpureum video Senatum.
Hæc ipse Apollo prædicat, ipsaq;
COSTE auguratur Dux tua maxima
Virtus; Olympique in suprema
Arce tibi solium reponit.*



AD

MVTII SFORTIÆ
AD CLAVDIVM AQVAVIVIVM
SOCIETATIS IESV GENERALEM
ANTISTITEM ILLVSTRIS.

O D E VIII.



TERRAM hanc iacentem, veliuolum hoc
mare,
Et cuncta in istis condita quæ vides,
Cælumq; hoc, astris quod resurgens
Hæc tegit, hisque super rotatur.
CLAVDI, creavit cuncti potens Deus
Nos propter; at nos (ò unica dignitas
Mortalium) se propter ipsum
Ille manu, studioque finxit.
Vt supra Olympi fulgida mænia
Mixti beatis Cælicolùm choris
Laudes perennes concinentes
Perpetuò frucremur ipso.
Hæc tu volutans pectore cælitus
Illuminato, deseris omnia
Mentemque scrutatus Tonantis
Hunc sapiens sequeris magistrum.
Opesque, & vrbes, claraque stemmata
Calcans tuorum, purpurea aureus
Dum flos iuuenta uestit ora,
Te religas, superùmque Regi
Offers, & huius tu velut Angelus

Men

*Mente, ore, uoce, & moribus intonas
Mandata, suggestus per altos,
Per fora, perq; sacra templa.
Et quò magis te deprimis, hoc magis
Ad astra tollit celsa Diespiter.
Sic unda terras ducta ad imas
Altior emicat, effluitque.
Nam summi JESV docta sodalitas
Prima in iuuenta te caput eligit,
Vt magnus Antistes gubernes,
Ipsius & modereris acta.
Illustre signum, quod super arduos
Gradusque magnos te Deus euehet.
Interque supremas phalanges
Cœlicolùm meruò locabit.
Exemplo hoc alto protinus excitas
Magnum nepotem, qui sacra per tua
Vestigia incedens, Olympi
Aemulus exuperare sedes
Contendit; ac dum nuper Apostolus
Eoa in ora gentibus explicat
CHRISTVM Deum, ferro amputandum
Dat caput, & super astra Martyr
Iam Laureatus peruolat, hìc tibi
Tuus RODVLPHVS præparat auream
Palmam, & thronum stellis micantem,
Quo propè se patruus recumbas.*

AD

MVTII SFORTIÆ
AD P. IO. DOMINICVM
BONACORSIVM SOCIETATIS
IESV, THEOLOGVM,
CONCIONATOREMQUE PRAESTANTISS.

O D E. IX.



VLCE nil nostras ita mulcet aures,
Non chori humani, volucrumque cantus,
Non tyræ pulsæ, neq; Naula, & are
Cymbala rauco.
Vt tuns sermo recreat, iuuatque,
Pergula cum stans facis ipse verba,
Et tonans inter metuenda nimbos
Fulmina torques.
Nostra quæis vris, penetrasque corda.
Nam tibi lectos, variosque flores
Horto ab Etrusco, Latio, atque Graio
Lata canistris
Attulit Facundia compta plenis.
Hosce decerpens, Apis ut matina
Spiritus, mella, atque operum bonorum
Condit odores.
Versat Hebræos, relegit Latinos,
Nouit authores simul ille Graios,
Mente qui te te hos memori explicantem
Sedulus audit.
Sic velut sacros, celebresque testes

Nomi-

Nominas illos, quibus ipse fultus
Commouens mentes magis audientum
Ducis ad astra.

Tu tuis verbis velut alter Orpheus
Euocas nostras animas ab Orco;
Sic fides vincunt, ita corda, & aures
Dulciter intrant.

Adria Regina tuo canore
Trinacrìs Siren, modulisque capta
Ad tuos currit numeros, tuoque
Pendet ab ore.

Ac tibi Palmam meritò eloquendi
Donat, atque optat tibi personantes
Stentoris voces, recrees vt illis
Plena theatra.

Increpas, mulces, rapis, edocesque
Artifex fandi varius, peritus,
Nunc pijs æthram reſerans, modòque
Sontibus Orcum.

Prædicas docta, nitidaque lingua;
Sed tui ſanti, rigidique mores
Prædicant certè magis, inſtruuntque
Pectora noſtra

O Mamertinae decus orbis, ò Lux
Litteratorum. Siculis vel Hybla
Cui ſauis cedit, tua docta ſcripta
Ocyſede.

R IN

MVTII SFORTIÆ
IN D. IOANNEM APOST. ET EVAN.
ANTE PORTAM LATINAM

O D E X.



IOANNES, etenim perspicuo lumine
candida

Hæc lux est : olei qua patulo mersus es in
labro

Ferventis ; velutiq; inde pugil victor O-
lympiæ

Artus Palladio virgineos Unguine perlitus ;

Cunctorum exiliis propterea conspicientium

Incussisti animis attonitis horribilem metum .

Atq; hæc æthereas, (æc utinam prospera, dignaq;

Signetur niveis perpetuò, ut splendida, calculis)

Matris qua ex utero me rutilans, fausta q; duxit ad

Auras, atque dedit noctifugi cernere sospitem

Titanis radios, vinificumq; æra carpere.

Cum vita in biuio sim iuuenis, flexus & insequar

In lauam vitiorum, illecebris, atque libidinum

Tractus delitijs, præcipitem quæ in Barathrum patens

Me trudent ; ab ea, ni retraho commonitus pedem .

Ductu qui superum magnanimi Regis es inclyto

Extractus, fer opem, vitiferam & porrige dexteram

Tu lapso ; atque viam sydereæ lampade prauia

Cæli ostende mihi, clarificis auspiciis tuis

Vita huius miseræ si tetigi limina vagiens .

Cum-

Cumque undis tumidis & rapidis hinc agar, indeq;
 Mundi huius; medio ac instabili, ceuratis, in salo;
 Obtexantque Polos interius nubila criminum;
 Irarumq; fremant prarapido cum impete turbines;
 Torporisque Aquilo strideat hinc: hinc Notus humidus
 Feruens luxuria; tu veluti Castor, & aurcus
 Pollux, exoriens, luminibus, tu genialeque
 Sydus, pelle tuis tristitiam nubium, & aquora
 Curarum auxilio, Diue, tuo, reprime, te Duce
 Portus claustra queam stelliferi tutus ut ingredi,

IN DIVAM VIRGINEM.

O D E. XI.



ARIA virgo Virginum,
 Et castitatis Liliū,
 Laudes tuas nam psallimus,
 Aures benignas admoue.
 Sed antè arenas aquoris,
 Stellasque enumerabimus,

Quàm digna te præconia
 Pangamus alto carmine,
 Electas es ante sæcula
 Mater Dei sanctissima;
 Et pura labe criminis
 Originalis aduenis.
 Annuntiante Archangelo
 In ventre clauso concipis

R 2 Quem

M V T I I S F O R T I Æ

*Quem celi adorant, nec capit
 Immenſa mundi machina.*
Tu virgo cingis fascia,
Et blanda lactas ubere
Qui cuncta tangit, omnibus
Rerumque preſtat copiam.
Tibi puerque ſubditur
Qui dominatur ætheri.
Tu comitaris ad Crucem,
Et corde ſentis vulnera.
Tu prima ſurgentem vides,
Vides petentem ſydera:
Sanctumque flamen excipis
Praeminens Apoſtoliſ.
De ſuncta vita lumine,
Induta rurfus corpore
Inuicta catu calico.
Stellanti Olympo confides,
Hic te celebrant Angeli,
Et Phæbus ornat lampade;
Hic Luna plantas ſuſtinet,
Sertumq; cingit ſyderum.
Hic te beata Trinitas
Summus Pater iam filiam:
Matrem coronat Filius,
Sponſanque ſanctus ſpiritus.
O Dina ſola poſt Deum,
Dei voluptas unica:

O no-

O nostra spes, & gaudium,
Regina cali fulgida.
MARIA, tu nos liberos
A morte, duc ad athera,
Vt te queamus cernere
Tanta micantem gloria.

IN D. MATTHIAM APOST.

O D E XII.



IST ASPIS genitum lumine sub no-
uo
Forte hin nitus equi constituit super
Persarum omnia regna
Regem, & barbaricas opes.
At te uiuifici numine spiritus
Sors iacta instituit inter Apostolos
O MATTHIA, locumq; in
Juda sufficit impij.
Illum conspicuum regia purpura
Rddebat, nitidis sceptraque fulgida
Gemmis, atque Tiara
Effulgens decus aureum.
At te pulvereus pes decet, & cruor
Ostro floridior, nomine pro tui
CHRISTI effusus, & astris
Sertum martyrii nitens.
Vana ille è tumido culmine gloria


Lap-

MVTII SFORTIÆ

Lapsus, tartareis truditur ignibus :
Et cum Rege Barathri
Pœnas perpetuas luit .
Tu post opprobria , & vulnera , flagraq;
Pro CHRISTO oppetiens viuis in æthere,
Qui cum verus amicus
Regnas sæcla per omnia .
Quare , ò Dine , pio pectore te precor
Vt cum iudicio strinxeris horrido
Mundum , innixus in alta
Sede , ut clarus Apostolus ,
Ad dextram statui me facias onem ,
Ut tecum ingrediar sydera : tum Dei
Trini , atque unius almas
Possim cernere lampadas .

IN ASSVMPTIONE BEATÆ MARIAE VIRGINIS

O D E . XIII.



AVDEAT tellus, iubiletq; pontus
Gestiat cælum liquidum rotatu
Syderum claro , magis his , ut auctum
Numine tanto .
Hac enim luce haud rutilis quadrigis
Vecta , sed cætu latus Angelorum
Fulcra , iam CHRISTI genitrix MARIA
Æthera

Aethera scandit.

*Quod tulit talem benedicta fructum
Gaudeat tellus: Mare, non amarum
Quod dedit nomen toties uocatum.*

Murmure plaudat.

*Hoc die caelum iubilet, magis quam
Sole cum pictum, 'niueisq; Phabes
Cornibus cultum fuit, aureisque
Floruit astris.*

*Nam suo capit gremio Deam, quae
Syderum ferto nitido corusca
Calcibus Lunam premit, atque Phæbi
Lampade fulget:*

*Mundus, humanumque genus serenum
Nunc diem latis thyasis celebrent,
Thuraq; incendant, redimantq; flore
Virginis aras.*

*Nanque apud natum, superumq; Regem
Ipsa pro nobis gemitu & perenni
Postulans orat prece, ne ruatque
Sustinet, orbem.*

*Angeli exultent, choreasque ducant,
Laudibus claustrum reboet supernum,
Et Deo grates agat omnis uno
Spiritus ore.*

*Nam sui matrem Domini decoram
Eius è nati radiis tuentur,
Vt trahens Sole ex decus, illius sit*

Aemilia

M V T I I S F O R T I Æ

Aemula Phœbe.

O mibi quis det nivea columba

Aureas pennas, super euolans ut

Aetheris sedes, levis alta cæli

Clausura per errem?

Vt super cunctas acies beatas

In throno stellis nitido sedentem

Nati apud dextram uideam MARIAM

Undique claram?

Te precor quare, o pietatis alma

Mater, istius memor ut diei,

Corpori annexus subiit tuus quo

Spiritus astra.

Vt tui flectas geniti furorem,

Gratia infundat fluuios supernæ,

Temperetque, ores, rabidas procellas

Temporis huius.

Hinc ut ad cali choreas migrantes,

Et tuum summum decus intuentes,

Teque, & æternum genitum perenni

Laude canamus.

Gloria, & laus verbo, peperit quod alma

Virgo; par semper decus atque Patri,

Flamini & Sancto minor haud honor sit

Omne per æuum.

I V B I L E V M P I I Q V I N T I.

O D E X I I I I.



V M Thrax Eoos armat, & instruit
 Classes tremendas, & freta transiens
 Quæ Nereis nunc regnat Helle,
 Diripit, aggrediturq; Cyprum.
 Illūq; contrā dum Venetus pares
 Longas triremes expedit, atque ei
 Centum rates mittunt sacerdos
 Sydera cui populiq; parent.
 Nec non Philippus, cuius Iberia
 Nutum tremiscunt, oraq; Trinacris,
 Atque Jtalus, nuperq; gentes
 Littore in occiduo reperta.
 Donecque in altis fluctibus, hinc procul
 Errant cruento Marte ferociter
 Vt dimicent cum barbaro, de
 Imperij, fideique summa.
 Ente Polorum rector, & arbiter
 Mundi, precantur pectore supplicij
 Et virgines sacrae, senesq;
 Et iuvenes, trepidæq; matres.
 Tuasq; ad aras lumine cernui
 Perdas ut hostes, Thracaque flagitant.
 Victoriā tandemq; nostris
 Jam melior, pater atque, dones.

§ Horum

MVTII SFORTIÆ

Horum preces tu, votaq; suscipe
 Clemens; tibi huius nam trucidis heu Scythæ
 Enses per ultiores, manusq;
 Crimina sat luimus nefanda.
 Si dexter adsis, faueris & tuis
 Turca fugato, nauibus obrutis
 Rerum potiti, tunc petemus
 Assyriam, Solymasque terras:
 Quas tu sacraſti virgine ab integra
 Nascens in illis: & Crucis arborem
 Scandens, cruentaſti beato
 Sanguine, qui reſerauit athram.
 Tuum ſepulcrum tunc venerabimur
 Pulſis prophanis, & loca obibimus
 Quæis tu refulſti mira patrans,
 Quæisq; tui micuere vates.
 Nec non reuincti tempora Delia
 Lauro, choræas, candidaſque agmina
 Ducemus, & Paana lati,
 Atque canemus iò triumphæ.
 Qui plauſus, & quæ gaudia per tuos
 Tunc perſonabunt, quas tibi gratias
 Reddent tot vrbes, atque regna?
 Quas vè ſtrepent reſoluta laudes?
 Cum non videbunt amplius aggredi
 Heu noſtra claſſes litora barbaras,
 Sed pace tranquilla fruenter
 Pectore compoſito quieſcent?

AD

CARM. SAC. LIB. II. 70
 A D D. R A P H A E L E M
 A R C H A N G E L V M
 P R O S A L V T E V E S P A S I A N I
 S F O R T I A E F R A T R I S A E G R O T A N T I S
 O D E. XV.



I tuas venti referant ad aures
 Lacrymis mixtos gemitus, precesque
 Quas tibi ardentes calido, atq; ab imo
 Pectore fundo.
 Tecta seu cæli nitidi tenens cum
 Cateris septem socijs supernis
 Antè stellatum solium Tonantis.
 Fulgidus astas.
 Iussa seu magni domini capeßens,
 Prouidus princeps, simul acer ultor
 Magna Persarum, potiusuè Romæ
 Regna tueris.
 Alme R A P H A E L medicina summi
 Qui Dei verè, & meritò vocaris.
 Castoris nunque ut, pugilisq; fratris
 Sydera postquam
 Nauitis ponto in tumido refulgent,
 Concidunt venti, fugiuntq; nubes,
 Panditur cælum, placidis & undis
 Sternitur aquor.
 Sic tuo aduentu procul & dolores,

S 2 Tri-

M V T I I S F O R T I Æ

*Tristis & morbus, calidaq; febres,
Et procul pestes fugiunt, laborq; ex
Artubus agris.*

*Nanque te dulcis requies, soporq;
Et salus circum volat, & medela,
Suaue lenimen, simul & malorum
Dulce leuamen.*

*Felle si piscis miseri Tobiae
Idque tu mandans, oculis dedisti
Iam diu cecis iubar, atq; Solis
Cernere lumen.*

*Sique piscina latices salubres
A tuis facta manibus valentem
Atque reddebant solidum, prior qui
Tangeret undas.*

*Aspice ut perdat rutilum decorem
Oris, ut visis agitatus aspris
Degat insomnes vigil usque noctes.
Frater amatus.*

*Aspice ut molles, teneros & artus
Eius, exurat truculenta febris,
Ut sitim, venas populans, hiulco
Excitet ore.*

*Aspice ut lecto gemat, astuetque,
Ut natent eius tenebrae ante ocellos:
Terreatque atra subita imminentis
Mortis imago.*


Aspice, & pennas quatiens per auras

Huc

Huc ades, iamque Ambrosia liquore
Frigerans febrem, precor, eius, alme,
Membra perunge.
Tum ferus morbus cadet, atque feruor,
Pallor osque eius roseum relinquet,
Occident visa, & tenebrae subibunt
Claustra Barathri.
Diue, tum voti reus ipse ponam
Marmore è puro tibi latus aram,
Inque ea flammis adolebo Myrrham,
Thuraque supplex.

IN D. MATTHEVM APOS. ET EVANG.

O D E. XV.



LVCIFER puro radians Olympo
Effugat stellas, roseamque amictu
Ducit Auroram, iaciamus & nos.
Pectore somnos.
Atque MATTHEO modulemur
hymnos.
Scribis Hebraea prior ipse lingua
Vt tuis prosis, memorans superni
Facta Magistri.
Sole at ambustus, nimium propinquo
Aethiops exin superam salutem
Audiit per te, didicitq; CHRISTI
Inclita facta.

Cre.

M V T I I S F O R T I Æ

*Credidit sed tunc magis obstupescens ,
Credidit tum Rex pater, atque mater ,
Venit ad vitam reuocante cum te
Mortua nata .*

*Sola qua regnis gemino parente
Orba successit . cupit hanc iugali
Hyrtacus tæda sibi iungere , alta ut
Sceptra teneret .*

*Regia at proles thalamos repellit
(Se Deo sacram quia dedicarat,)
Nuptias temnit generosa virgo
Iphigenia .*

*Ille te propter putat hanc sacrasse
Se Deo ; quare tumefactus ira
Donec ad sacras operaris aras
Alme sacerdos ,*

*Mittit armatos, subito trucident
Qui te , & occisus cadis , atque puram
Victimam temet Domino placentem
Protinus offers .*

*Offibus sed nunc fruitur Salernum ,
Exhibens illis meritos honores .
Diue nunc sanctis precibus fatiga
Poscimus , illum ,*

*Stemma tu cuius repetens recenset ,
Ut Deus nobis homo factus , aequè
Nos Poli ciues faciat , suoq;
Munere Diuos .*

Laus ,

*Laus, honos patri, genitaque proli
Quæ suis in discipulis refulget,
Flamini & sancto similis sit omni
Tempore virtus.*

AD MATVTINVM.

ODE. XVII.



*AM Luna bigis aureis
Inuecta, lustrat lumine
Terras, & atra decidit
Caligo noctis horrida.
Surgensq; pellit sydera
Aurora mixtis Liliis.*

*Solusque Eoo flammeus
Ex orbe fulget Lucifer.
Cantuque Solem prouocans
Cristatus ales concutit
Alas, & ipse iam vigil
Somno è graui nos excitat.
Quare toris tepentibus
Ad te relictis surgimus,
Tibi vt preces cum laudibus
Fundamus, alme conditor.
Tu fons perennis Filii,
Tu Nate patris vnice,
Tuque vtriusque altissime
Amor, sacerque spiritus.*

Coro

MVTII SFORTIÆ

*Concede quod nunc poscimus,
Si quid sopore, aut in toris
Pigri tibi deliquimus,
Vt hoc benignus abluas.*

*Seruesque nos innoxios
Hac luce, donec Tethyos
Mergat quadrigas gurgite.
Pater diurni luminis.*

*Vt cum polos & aquora
Noctis tenebra obtexerint,
Tibi perennes gratias
Esorde agamus candidi.*

*Præsta pater sanctissime,
Prolesque patris unica
Cum sacro & almo spiritu
Regnans per omne sæculum.
Amen.*

SVPPPLICATIONES PRO VICTORIA NAVALI ADVERSVS TVRCAS PARTA.

O D E. XVII.



*AVREIS cincti, viridique Myrto
Gratias magnas agimus tibi, Rex
Noster, & summi Patris alma proles
Maxime CHRISTE.
Nam velut duro Pharij Tyranni*

E iugo

E iugo ducens miseros Hebraeos,
Illius turmas, bijugosq; curras
Ponè sequentes
Aequoris rubri tumida sub unda
Ipse demergens simul obruisti:
Hinc tuas salui cecinere Hebraei
Carminè laudes.
Eminis sic nos, rabieque Turcae,
Ferreæ & multos rapiens catena,
Tot feras clades miserans tuorum
Denique ab alto.
Ense sub nostro Scythicas dedisti
Copias cedi, & iuga nostra ferre,
Iamque victrices retrahi reuinctas
Fune carinas.
Thura ob hoc sacris adolemus aris,
Teque collaudant pueri, & puella,
Et Sacerdotes alacri penetrant
Aethera voce.
Personant urbes, reboantque templa
Plausibus, cantu, teneris & hymnis.
Grata pro saluis referunt maritis
Munera Nymphae.
Tu PIVS nobis pius, & PHILIPPVM
Principes serua, tua qui facescant
Iussa, ceu Moses, generosus & Dux
Nauis heros.
Atque eis dona, Venetaque publi

T Thra-

M V T I I S F O R T I Æ

Thracias classe ut penetrent ad oras ;

Eruantque illinc Mahometis aras ,

Fædaque templa.

Barbaros Turcas agitent cruentis

Prælijs victos, rigidisq; rursus

Casspiis portis, validisq; nodis

Denique claudant .

Ditibus Regnis Asia potiti

Africam terram duce te domabunt,

Et tuum cultum populos docebunt,

Templaque ponent.

Tunc Patrem, Natum, ac utriusque flamen .


Africa, Europa, atque Asia inuocabunt,

Pastor atque vnus, velut inquis, vnum

Fiet ouile .

I V B I L E V M G R E G O R I I . X I I I . P O N T I F I C I S M A X I M I .

O D E . X V I I I .



RATIAS lati resonamus omnes ,

Maximas grates agimus, habemus

Rex tibi cæli genitoris almi

Aequa propago.

Quod vigil tandem fera contudisti

Galliæ infectæ, miseræq; monstra ;

Belga quod fractus toties quiescit ,

Armaque ponit .

Sum-

*Sumpserant in te veluti Gigantes
Arma, sed quondam veluti Gigantes
Ipse adegisti iaculans rubenti in
Tartara dextra.*

*Vltio sic hos tua nunc peremit
Sera. Diuorum dederant cremanda
Ossa, calcarunt sacramenta, torque
Ergo sub Orco.*

*Teque ad hæc multis lachrymis precamur,
Classibus nostris faueas, ut olim
Turca cum sensit iuga nostra, & enses,
Atque catenas.*

*Rursus en uires velut Hydra sumpsit,
Eius atque audet reparata classis
Classibus nostris modò fracta, iam con-
currere rursus.*

*Rege defuncto uiduis Polonis
Sarmatis dona pietate Regem
Inclytum multa, fera qui repellat
Eminus arma:*

*Quique Turcarum rabiem retundat;
Hæresesq; altas ibi per vagantes
Pellat, & summa sua regna frænet.
Deniq; pace.*

*Fædus hoc sacrum magis vsque firma,
In diesq; auge: coëat precamur
Gallus, & vibret Lusitanus arma in
Agmina Thracum.*

T 2 Prin-

MVTII SFORTIÆ

*Princepes sanctos tibi militantes,
Et tuas hic GREGORIVM gerentem.
Nunc uices serua, tibi donec omnis.
Seruiat orbis.*

AD ILLVSTREM ET REVER.^{MVM,}
ANTONIVM PORTIVM
EPISCOPVM MONOPOLITANVM.

O D E. XIX.



*OLLE dum nostrum iuuenile pectus
Aureis fixit iaculis Cupido,
Hauriens pulchris Domina ex ocellis
Sapius ignes,
Versibus dulces cecini calores,
Thysca dictabat mihi quos Thalia,
Promptius vel quos Erato Latina
Lata docebat.
Sanctior sed cum mea corda diua
Nunc Amor flamma penitus perurat,
Spiritusque alter mihi magna ab altis
Suggestat astris;
Carmen, Antoni, fugas opprimitque
Huius ingentis Veneta tumultus
Vrbis. he turba, simul ara pellunt
Pulsa Camenas.
O mihi quis dat nemorum sub umbris,*


Ser

Seu sacros propter, gelidosque fontes,
Quà vago lymphæ pede murmurantes
Saxa pererrant,
Degere has paucas, reliquasque luces,
Quà canunt Musa, cytharamque Phæbus
Pulsat auratam, placidumque somnum
Ociâ præbent?
Tunc ego excelsis minimè Poetis,
Appulo haud nostro, celebrique Flacco
Cederem, cuius fuit in Sabinis
Pindus, & Aon.
Tu sacras Musas sacer, atque felix
Prouoca, Antoni, virides tot Horti
Cui patent, ac tot nemorum recessus,
Torque scatebræ.
Cui Polus plaudit, fauet atque tellus,
Cuiq; ut haud optes triplicem Tiaram, aut
Purpuram, fundit bona cuncta pleno
Copia cornu.
Ipse muscosis recubans in antris,
Quo graues unda referunt Echinos
Ocio Reges premis inuidendo,
Pontificesque.

AD

MVTII SFORTIÆ
AD B. GABRIELEM ARCHANGELVM

O D E. X X.



RINCEPS *superna Curia,*
Paranymphe felicissime;
Fide & minister, & Dei
O fortitudo GABRIEL,
O rationes Tobia
Vt Raphael Deo obtulit;

Sic, Diue, nostra carmina
Hæc virgini tu perlege.
Oraq; quali condidi
Hæc mente, tali & inclyta
Capiat parens munuscula
Silente nocte condita.
Quæ propter ipsa à Filio
Virtutis omnis gratiam,
Quæ nostra firmet pectora
Benigna mater, impetret.
Donis micans ut talibus
Hic membra linquens spiritus
Mereatur ab ste suscipi,
Ferriq; ad athræ Regiam.
Vbi inter almos ordines
Per vos coruscans cælitum
Matri, simulq; Filio
Hymnos perennes concinat:

IN

CARM. SAC. LIB. II. 76
IN ASSUMPTIONE BEATISS.
DEIPARAE MARIAE VIRGINIS.

O D E. XXI.



*V*M canimus qualis superùm conscende-
ris arcem
Assumpta, Diua, in aethera;
Huc ades, & nostris, hominum, Regina,
Deùmq;,
Captis benigna allabere.
Jam Patris aeterni soboles ascenderat astra
Victrix triumpho nobili:
Iamq; suum flamen sanctum, flammisq; coruscum
Suis alumnis miserat.
Lumina cùm voluens, prospexit ab aethere matrem
Amore nati fauciam.
Atque moras terris miseramq;, agramq; trahentem
Oculos Olympo affigere.
Qualis per saltus Vitulum vaga bucula querit,
Admorat ubi cui modò,
Gramina non illam, gelidi non flumina fontis
Fruant, nec arua florida.
Cumque Polo regnare foret dignissima Diua,
Terras nec has inuisere;
Audiit omnipotens chara pia uota parentis,
Ad seq; Natus euocat.
Caelicolumq; choros ex aethere mittit, at alis

III

MVTII SFORTIÆ

Illi secantes aera ;
 Ut steterunt coràm Domina, quæ fortè iacebat
 Aegra in cubili, & languida,
 Impellunt cytharas, blandisque sonoribus auras
 Implent, modisque dulcibus.
 Carminibusq; illam inuitant alterna canentes
 Claras ad arces aetheris.
 Exiit illa lubens fragilis tum corporis artus
 Natum videre gestiens.
 At mediam aligera turmæ plaudentibus alis
 Cantu euehant ad sydera.
 Et nato coràm miranda luce coruscant
 Sistunt, aguntque gratias.
 Ille ubi puram animam vidit iam fulgere matrem,
 Iusto dolore saucius
 Hæc secum: Velut Heroes, quibus aetheris arces
 Ipse incolendas annui:
 Exuta hæc etiam moribunda, caducaq; membra,
 Nudus micabit Spiritus?
 Nec nihil intererit famulos, interque parentem?
 Nil plus habebit cæteris?
 Scilicet expectabo orbis cum fine tremendo
 Tuba excitabit corpora
 Mugitu horrifono, nostris inflata ministris,
 Omnesque coget undique:
 Corporis ut dudum corrupti hæc membra resumant?
 Feramque ut esca vermibus
 Intereà sint illa aluus, & viscera casta,

Que

Quæ me perarcto circulo
 Clausere, astriferi quem non capit aurea cali
 Regia, nec orbis, nec mare?
 Ubra qua toties suxi, gremiumq; quod infans
 Reptavi, ut horrens sint cinis,
 Et pulvis, patiar? Paradisi ad amena vireta
 Ascendit almus Helias
 Flammiuomis inuectus equis, bigaq; rubenti;
 Atque illa per pomaria
 Enocho gaudens socio felix agit auum,
 Non letho adhuc obnoxius?
 Atq; artus, in quos Naturæ nulla potestas,
 Nec prisca labes polluit:
 Mors, umbraq; prement, & edent sub mole sepulchri
 Putredo, vermes, & situs?
 Sic ait: & versus stellata in veste coruscum
 Celestis aula principem
 Euocat ad sese Gabrielem, & talia fatur;
 Tu, qui beata Virgini.
 Huic, patris æterni celeres mandata per auras
 Felix tulisti nuntius,
 Illius impleui cum viscera ab æthere summo
 In fine missus temporum.
 Quiq; meo nutu fidusq;, vigilq; minister
 Illi astitisti in omnibus:
 Iam nosti quæ marmoreum, sanctumq; sepulcrum
 Eheu refulgens contegat
 Illius os, cedit cui Sol; & candida membra,

v

Quæ

M V T I I S F O R T I Æ

Qua dulce spirant balsama .
Huc age purpureas per calum concute pennas ,
Rectusq; cursum dirige .
Illius hancq; animam (digitoq; ostendit) ab alto
Ducens per auras liquidas ,
Induta ut spoliū Regina perambulet astra ,
Infunde sacris artibus .
Vix ea dicta dedit : Zephyris per inane vocatis
Cum Gabriel ab aethere
Alternans humeros , animam vento ocyor illam ,
Et latus ad terras agit .
Fecerat & Domini iux iussa , rubescere lumen
Cum capit illic aureum .
Panditur ecce micans domus omnipotentis Olympi .
Ecce ille Rector omnium ,
Spes , & nostra salus , summi sapientia Patris ,
Qui cuncta verbo condidit ,
Stellatum linquens solium , sedesq; paternas
Magna refulgens gloria
Cælicolū innumera circumstipante caterua ,
Delapsus ut Sol aduolat ;
Illum quæ genitrix , quaq; Angelus expectabant
Magno obstupentes gaudio .
Marmoreum at postquam bustum super astitit altus
Quæ glorioso corpore
Alma parens induta , micabat ut aurea quondam
Phoenix odora deuolat
Iam renouata pyra , & iam mille coloribus ardet ,
Victu-

Victura centum Sacula.
Sic illam affatur : Genitrix sanctissima, salve :
Eamus hinc : nam sydera
Te, stellansq; thronus manet, altaq; gloria cali.
Eia columba candida,
Charaq; amica, veni, propera, mea fera voluptas,
Hyems dolorum transiit :
Verq; quietis adest. regnis succede supernis
Regina, qua dat Filius.
Cœlicolis hinc iura dabis, terræq; labanti
Diua inuocata consules.
Hac ait, & matrem amplexans simul oscula libat,
Dextraq; iungens dexteram
Illam ducit ouans super aurea mœnia Mundi;
Chorosq; supra calitum,
Sydereosq; globos locat, ad dextramq; coruscant
Suam assidere præcipit.
Bersabœam, si parua licet componere magnis,
Sic clara proles Dauidis
Rex sapiens olim Salomon, & pacis amator
Matrem (figura forsitan
Huius Pacifici Regis,) residere indebat
Suam locans ad dexteram.
Ecquis, Diua parens, æquo modo carmine cantet
Quanto astra plausu ascenderis ?
Cœlicolùm quali fueris super æthera cantu
Deducta, quantisq; Orgijs ?
Utq; tibi se se totum patefecit Olympus ?

V 2 Cœle-

M V T I I S F O R T I Æ

Cælestis utq; curia
 Obuia te excipiens valuis bipatientibus omnis
 Per ordines se effuderit?
 Fatidici ut vates: utq; occurere parentes
 Plectris sonantes aureis?
 Ut Pater omnipotens te sit complexus, ut almam
 Charamq; natam propriam?
 Utq; tibi sponse dederit sua munera sanctus
 Exosculatus Spiritus?
 Utq; tibi aternas laudes alterna canentes,
 Hymnosq; dulces personent
 Calicolum chorus hinc, Heroumq; inde, beatos
 Quos terra misit atheri?
 Salve, Sancta parens, Regnatric, nostra MARIA,
 Omnisq; plena gratia.
 Tecum habitat Dominus, summa, aternaq; uoluptas
 O Trinitatis unica.
 Virgineos benedicta super tu splendida cætus,
 O Fæminarum gloria.
 Ecce tui uentris fructus benedictus IESVS
 Qui te coronat sydere,
 Per te descendens astris, apparuit orbi,
 Suo & redemit sanguine.
 Per te lapsus homo superis est factus amicus:
 Cæliq; aperta est ianua.
 Per te mortales complent, noua numina, stellis,
 Gemmisq; sedes fulgidas.
 E quibus antè odijs superum legio acta nefandis


Regi

Regi rebellis corrui.
Tu nobis addis socios, & Nectare dignos,
Chorisque nostris efficis.
Gloria terrarum, magnum cæli incrementum,
Nostrum perenne gaudium.
Delitia summi Regis, decus addita Diuis,
Spes, & salus mortalium.
Cuius se pedibus substernit Luna bicornis,
Quam texta cingunt sydera.
Quamq; suis Phæbus radijs fulgentibus ambit;
Totamq; vestit lumine.
Te canimus, thyasosq; tibi instauramus, & hymnos
His personamus dulciter
Auratis cytharis, nostros ne despice cantus
Regina, tibi quos psallimus.
Terrigenis atq; alma tuis, Dea, prospice, qui te,
Tuumq; nomen inuocant.
Illis affer opem, proq; illis iugiter ora,
Nato papillas detegens.
His peccatorum veniam, iustasq; petitas
His impetra tu gratias.
Humanamq; Deus quoties iam plectere gent
Nefanda ob eius crimina,
Sive fame, aut morbis, bellisue minatur in quis,
Tu lachrymis potentibus
Hunc placæ, genitrix, atq; excute tela rubenti
Dextra Tonantis Filij.

F I N I S.

ERRATA IN IMPRESSIONE CADENTIA.

Turrita male. car.	6	Mole.
Eumenides faces.	ibi.	Eumenidesque
omnes eo.	ibi.	omnis.
inclinās cornibus.	7	inclinans.
cedet & aris	8	aurum
Qua geret	9	quæ.
Quo rius.	ibid.	ruis.
oran.	ibid.	orans.
æterniumque micanti.	12	æternūmq̃ue.
Illyritæ nitor.	14	Illiriæ.
lucubrata sibi.	15	tibi.
Serenat auras.	18	aura.
tu commouens	21	commoues.
Sistit impetuum.	24	impetum.
pingit ex hoc	ibi.	& hoc.
Flebile cum recitas.	27	recitat.
Syricis versibus	30	lyricis.
Extudit oo.	34	ouo
iuribus integer	37	viribus
at fatus	38	affatus
in crue	40	in Cruce
possident.	47	possident.
peremmis.	50	perennis
Nunc ne	53	Hunc
& Roris	60	Rosis.
vel Lesbia	61	Lesbio plectro
princeps	76	principes
nihi	ibi.	mihi



005643602

